



公之在天下胸中多愧係公平切實常

如激若夫志

在國養文游剛勝而志如美氣

真人傳也

趙忠毅公文集卷之二十三

鄒上趙南星夢白 著

玉峯顧錫疇九疇 閱

雲陽姜大受抱宏 校

尺牘

答歐宜諸

山中多暇不敢輕以尺一煩典記惟念君子為邦
晏也繁也必也非俟得之玉池諸君子也承教節
愛一念可矢天日以此相天下有餘矣敝鄉如澆

饋百姓冤苦不可言山中之樂不復如昔時因思
察吏安民典郡之責重矣安得悉如足下其人者
布之海內耶見郡中諸君子爲道無恙

與于中甫

正欲寄書長安則台駕南發矣想與罔伯共舟行
亦一快也此時吳下諸賢俱在野無論共修德業
卽所謂奇文共欣賞疑義相與析者亦可以樂而
忘饑矣敝處朋友少弟惟爲小兒半師課文興發
則自作一篇白髮作時文亦一戲也

與歐宜諸

見報潁州之推已有新命乃曹中丞復欲借留竟
如何矣淮安許檢校念敬者忠節公之曾孫也僕
司理汝南時與其父許潁川孝廉一見投分孝廉
奇士有祖風不幸早世檢校襁褓母生母俱見背
非所生母養之成立蓋其家男女皆有節義如此
檢校孤子無依以貲爲今官支持門戶乃其人志
識殊不俗自是許家人惟執事扶持之知大雅必
重賢者之後僕區區之心固不能已也

與陸西源

不肖常山之腐儒也往太翁爲少宰時不肖爲屬
吏受知特深及爲太宰而不肖忤時退居太翁起
之田間又爲手書使人招之令其必出主爵嚴重
從來未有以此待屬吏者而不肖得之得之于太
宰未足爲奇得之于太翁其人之太宰此亦千古
特達之知也不肖自愧無德以承之然感入心骨
榮及萬子孫矣向承太翁之諱病劣不能走弔力
又不能遣使徒有悲痛想不肖之受知于太翁者
門下必聞之矣相知項彥甫之便先通姓名于左
右不肖日夕思所以報太翁者而不得也太翁行
狀志銘之類欲得一觀竭其不敏而讚述焉今語
舍親魏紹川一見門下其悉以付之幸甚

與鄒南臯

相見無期音塵曠絕有懷奈何似聞門下已舉子
此大慶也時事忽如此天運固然抑亦由人曾記
門下自南都貽書止第之推轂云無使從中簸弄
始猶未悟無何乃知之可不惜哉嗟已矣門下別

起忠毅公文集 卷之二十三
久所著述必多幸從養冲處寄我以當提誨無遐遺也

與宋可泉

不肖沐愛甚深自恨無能爲報客有見臺下者如姚百雉輩恭諗玉體清豫殊用爲慰韓別駕使來得之更真當今值君子道消之會臺下久卧雲霞識者攸歎然此時從政良難人生居于山林解爲樂事而力足以發之當其得意所謂不知天子是何官何況三公不見夫近年二三大老乎潰病經年求歸不得往往乘廣柳而還覓搖路遠未必不悔其出山也呵呵吮墨叙心以代面談別駕在彼往來殊便矣

與樂石帆

不見久矣聞仁丈談道修辭有以自樂也天下如人之身潰病日久漸多惟症而粗工以爲無恙誠爲可憂能者不見使奈何哉則亦徜徉自適而已友人王太玄之子敬平看第山中住三月餘告歸令之謁仁丈一道近况便如促膝王生殊可與言

與湯海若

王子聲向以仁丈書來蓋遂昌入覲時也書中惜
王弘陽丁右武馬玄甫之去無何仁丈亦去而子
聲遂長逝矣今蘭芷盡凋海宇抗敵可勝歎哉仁
文聰明絕世言語至妙人所著作復得幾百種可
悉示我聞郎君之才不亞乃翁年來賢父子所爲
四書書經文統乞寄下小兒學書經願得而讀之
也仲文兄夙欽高雅今在彼可數通問王敬平南
輒附此字翹首德音慰我饑渴

答歐宜諸

僕爲詩殊少常州多幸吾黨有人不覺形之歌咏
耳中丞亭亭矯矯足稱豪傑故宜其能知足下也
吾輩早受國恩當此天虐民危之時復得知已保
持何必想望烟霞遺榮自俗人所難于吾輩何有
赤子可念仁人罕值非足下孰冀焉向所寄淡生
書已至昨復有書與之矣江南新中丞與僕厚善
其人甚高明所傳者妄也足下見之審矣馮蘅洲
正有書來云卽欲求差不知其能過我否南中差

每有不必親入京者耳震初骯髒違俗讐者以計
典中之安得有心人破格拔之不見夫馬梁園乎
此陳萬年所以爲善教也呵呵

又

來教去郡後遠于諸君子行檢日頽品日日下足
下豈至于此然可以知進修之銳矣僕離群而索
居久矣敝鄉絕無講者第日爲兒子輩課舉業
常作社學先生安得進益念此不覺汗下足下別
久所得當益深何以教我王澹生亦至今無音驛
也此兄未任事第論事慷慨遂見驅逐亦足以見
天下事矣僕甚欲得其書也當今蒼生困敝正賢
者披髮纓冠之時豈殉一官哉足下言去則真殉
官者皆在斯世何賴焉難言哉

與秦西汀

星不肖辱門下過聽衆甫兄弟之言枉玉趾而存
之使病僂之人得聆餘論遂夙昔仰慕之私幸也
如何伏惟門下以明睿之性而好學不倦析若針
芥不肖曾以廣大精微之說進比來所得當益深

幸督教我無見棄也。室邇人遠，思心依依。謹顯佅代叩門，下將以不腆，愧非瓊瑤之報，聊以永好。

○與金主簿

疇昔之夜，乃得與門下一飲，快哉！何相見之晚也。僕甚不欲見齷齪鼠輩，而滿世皆是。又好嚙人，安能不思門下也。何日再來一醉乎。北行何日，謹專人代叩，不腆之幣，爲大夫人一衣，勿却也。

答曹掌科大咸

不肖之于台臺，無半面之識，而謬蒙採聽，不顧柄人之怒，而解達之，以致擯棄，此誼求之古人，殆難其比。台臺之爲國家，可謂極忠極公矣，而不肖良亦甚重矣。然不肖曷足以當此，至乃貪賊之旨，前此已曾被之，蓋柄人之恨不肖深矣，但不知劾不肖者何年何日何人也。嗟乎！人臣欺君父，至此何有于台臺，又何有于不肖哉。有國者養士如樹中，生蠹還以自賊。今天怒民違，天下之事日垂矣。不肖白髮滿鏡，無復用世之志。然世亦棄君平矣。台臺愛我無已，仍厚望之。耶！天下幸無事，得坐而食。

園葵至足耳台臺其以爲然否遠承翰况綱想脉
脉裁書暢意不勝嚮往北風有便翹首德音

答梁光實

足下得郡不遠甚慰一行作吏卽與林居懸絕動
吻舉趾皆關視聽足下可將一切簡懶儻蕩之習
擲之滹沱水中脫胎換骨以往可也愛至望苦深
高明以爲何如

答趙通許

山中聞下車非久卽有好音以親家其人固宜然
也君子通大道無願爲世儒况夫浪淩之徒哉惟
親家努力龔黃卓曾我輩之管晏耳

與丁元復

向者仁丈游仕塗猶有過我之期今亦歸林下又
犯在位之怒此別恐成老矣念此使人斷絕惟是
忠言讜論與日月並懸功高于平倭多矣爲親交
者藉有光寵足寬離索之懷第白髮日多踈狂如
舊飲酒讀書差足自遣此愛我者所欲知也唐生
行畧布愚心不盡

趙忠毅公文集 卷之二十三
答王大尹碧

一別如夢聞貴郡之人言執事作宰實心愛民毫無粉飾士民皆信之深用爲慰承教以貴恙浩然欲歸當道爲地方計必不肯聽乃當此之時而念及于僕存舊之情何其篤也使旋畧布感私惟執事爲蒼生強留任中延醫視家居稍便也

答魏道冲

魏趙之交聞于九重播于四海矣夫鄙人則何敢望尊公及令叔大君子貪善無厭得其近似者卽引以爲同志耳門下懷芳履潔允廸庭訓龍鳳之署得大賢而增重鄙人實藉有休光焉固知門下之不遺非以筆札之通爲始也惟時賜督教而無棄其老耄則鄙人幸矣

與顧涇陽

足下想平善耶第病四年今亦稍健耳天意人事愈益不佳旣難挽回而人亦罕有挽回之念當可奈何第無涵養聞見不平事輒爲動火而又不能遠離城市足下亦如此不吾二人皆五十六足下

涵養必日粹第猶是一老少年耳足下其何以教
我向欲得第時義今奉一帙王敬平還欲爲相知
各一緘從足下起故不能手書

與顧涇凡

向得足下書云病懶今何如靜中必有所著述可
示我第不肖乃間爲時義豈白髮所爲足下見之
可發一笑也

與史玉池

澹生書來云仁丈正過之想畧聞第之近况矣澹
生還又是世道益亂之始今時事愈恠敝鄉在輦
轂之下便已不可忍見吳中仁賢衆多必不如此
第每有遷居之意而姻族依以稍安不忍棄之度
天下似無太平之期所望仁丈出而圖之耳向惠
鹿角膠服之殊有益可以其法傳鍾嵩多製寄我
也

與高景逸

向得手教望以商量學問僕未敢廢學恨不得與
足下諸賢朝夕講論以祛習氣耳年來爲小兒著

學庸正說亦足以知其中之所存足下試取而觀之爲我指其舛謬則僕之受益多矣

與諸敬陽

往歲得仁丈書云方讀春秋今又幾年矣缺然久未奉候今讀何書所得必益深所著作幾種幸見教無棄之也第未嘗廢書皆稍知其皮毛惟于易秋毫無所見以爲此書正如道家所謂饒君聰慧過顏閔不遇明師莫強猜者若如程朱之解則孔子自謂晚年學之僅無大過其贊詩書未嘗如此也大抵易知天之學也如初九潛龍勿用須知何爲初九知初九則自知勿用矣第問以語人則曰此數也不足言也夫造化陰陽孰非數也理數豈有二哉蜀中來孝廉上疏自稱明易第亟求其書觀之真腐儒也學者必通易乃爲聞道可以夕死此其人必有大福分非偶而已仁丈之于易如何哉其必得異人之傳耶第卽負笈從之不者則願相與苦心訪求以無負此生也

與王鍾嵩

與足下別以至于今益知毘陵之士民何其幸也
意者彼郡賢者多神明私之歟僕固嘗欲得足下
也去其楚而可矣談何容易王敬平者王太玄之
孤子也太玄僕之深交也家貧未能殯其父有母
無以爲養生少年資質志趣皆美不能下帷足下
其必憐之矣

○答曾太宰

舍親路北部南乃一奉候以抒積懷承教時事大
艱卽有大豪傑無所措手誠然哉使人歎息天下
人各挾私心天下之事安得不壞今者可謂私之
極矣而論者皆歸咎至尊責備宦寺稍有識者亦
然殊可笑也治亂殆有天數時之小人或爲天之
忠臣可奈何哉

○答韓子端

萊蕪陵縣奉足下之教以能受知當道感自不淺
乃文使君之高義僕何德以堪之足下政聲業已
丕著砥礪名節女不外淫耳所不待言至于仁恕
二字尤須體認而力行之百姓皆吾同類豈可淫

刑作威且以官靈氏便如扶蚊蹴蟻何足爲威至于凌辱鄉官故爲裁抑不思已是何人老來亦作鄉官否此皆可笑之事吾子端所必不爲禹之戒舜曰無若丹朱傲苦口乃是良藥僕亦所謂談虎色變者也雪酒嘗二瓶味似稍變路遠難寄不敢再勞也

○答沈晴翁先生

星立朝之日少山中不能遣使無一字起居者積有年所矣忽辱尊翰悚感無地星不能處世焉能用世癸巳之役冒昧出山爲人所挾同門之友肺附之親俱不得免而身隨之由今觀之天下竟未太平亦有何益生子勿作考功郎也事已往矣因老師道及伯英輒復戚戚于心夫伯英得無以星爲惡人乎星今者鬚髮白十之七衰矣正似當今之世何弓招之敢望乎大名使君未得見項光祿使還畧布腹心不勝脉脉瞻依之懽

答丁慎所

貽哲以手書來捧而讀之再三至二毛如雪爲之

喟喟者久之我輩皆老矣今之天下非我輩嚮用之時矣山川間之復不得一會面可不恨焉古人窮而不愁故能著書此確論也昔吾孔子之論學也首言悅樂夫道至高也至妙也至深也至精也至美也小得之則小快大得之則大快著書者得其一隅得其皮毛思之于心而達之于手句成篇就擊節自賞亦足以藐王公而輕千乘矣故杜子美之歌曰歲拾橡栗隨狙公天寒日暮山谷裏此儼然舜在深山景象何愁之有哉天下惟俗人常愁此等人無數凡有數之人必不常愁彼皆有所爲快者也而况于道德真有所得者乎願與門下共勉之扇頭詩居然風雅之致所寄吳縑越管俱至友人王太玄之子敬平還畧布謝私彼不能有所將敬以一詩書扇頭及小刻一本請教

答李黃羽

舍親路比部來得奉翰教喜若晤對及讀六李集益不勝仰歎何大雅萃于一門也當今時事日恠由人心生卽言之必無所裨徒自瘞耳至乃鄙人

起忠齋公文集卷之二十三
十四
白髮種種已無能爲絕無一毫妄想惟是衰年見
此末世不能無不辰之歎馮蘅洲數往來否此貴
鄉之賢者也王生南令之一謁左右渠能悉鄙人
近况也

答劉健菴

不肖逋廢十年台臺再過山中喬木求于幽谷古
之道也而至爲台臺累三日之談形之奏章足爲
千古笑端茲復遠勤命使跼然入谷惠以書幣薛
蘿生色正以豪賢不棄豈他貴人哉天下事日益
可駭可憂惟是台臺二三正人尚列周行譬之于
人陽氣未盡尚不爲鬼天下之君子百姓有所繫
心托命至于不肖年過五十便覺衰醜卽林泉之
樂無力以勝之日惟閉門坐卧或以殘書破硯自
娛耳已矣已矣蒼生事在台臺諸賢矣強食自愛
慰我懸仰

答于景素

遠承翰教又從靈壽來真如自天而下喜不可量
長跪讀之淚軟軟下也我輩遂皆衰老目睹蒼生

趙忠毅公文集卷之二十三
之玷危搏手無計已矣更何時事之可言不肖年
來爲小兒講書課文識見稍進身過畧寡心過殊
難除似是根器之劣便中幸教之手足伉儷之變
自難堪忍人五十後便是秋天樹枝葉必彫舉世
皆然亦有何恨使索答急草草作此悵慕之私非
可言盡啓菴養冲二丈書煩致之

答沈龍江相公

向聞簡召翼贊璣衡額手慶幸庶幾太平可望比
見邸報台臺歸志頓決此所關于世道蒼生甚大
非末學所敢置喙也在沐尊教益感夙知之深京
口于生未及相問而行太倉王生曾道台臺念及
矣有懷悵結無所敢言

與梅大庾

蓋不肖所大于士大夫之誼所厚于交游之德未
有若門下者也往時銓曹僚友之情甚篤躋槐棘
者恒下接于備署踐文石者不遐棄乎嵒巖自二
三要人惡銓曹之不阿極力摧折之進退甚易而
僚友之情日薄往者不肖遭先大人之變失口無

起忠毅公文集卷之二十三
道及者門下當軸乃蕝奠唁之事先大人感且不
朽不肖何以爲報哉門下竟以不阿承明明而不
肖屏居林藪莫能遣一使爲候抒所蓄積茲聞持
節潼關相望不遠輒布區區之愚心不腆之將貴
在歸德伏惟頰鑒

與馬肖菴

久未奉候雷生在此數聞動定云清恙漸有喜殊
以爲慰清苑貴徒書來弟所爲時義曾入台覽得
無笑其童心耶夫弟且自笑之矣身心性命之學
未得要妙著書立言非其所能聊以耗壯懷而消
永日所謂閒看兒童撲柳花者也文何以教之

與王晴江

敝府梁太宰忠猷勲業兄之所知也當道爲請卹
典有一二阻之者大氏以舊相門生爲言太宰之
精敏勤幹自足致大位其爲吏部之日無幾在疆
方及兵部久虜情邊畧洞如指掌勞績甚多自不
可泯舊相之時吾輩所見非門生而迎合其意中
傷善類者何限太宰仁心爲質謙冲愛士此又其

趙忠毅公文集卷之二十三
德之不可泯者也乞兄一言于大司徒轉達太宗
伯曲成之以明國家之厚則大仁人之舉也弟與
太宰親戚甚厚其子受學于弟然弟真見其才敏
練事體國勤居鄉厚勞人也善人也聞其卹典之
見阻心真惜之是以告之于兄

與馮元靖書
人之死終非厚也

原武屈廣文曾求一札見足下想至久矣任縣侍
御不幸就世可惜以鄉科得此官何不爲海剛峯
而乘之妄爲旣害足下又害魏見老當事者出之
于外懼且憤以歿聞其同縣諸生作一戲文以此
君爲淨則以其居鄉囑托顛倒是非之故而或言
其垂危也見有神領鬼卒持郎當捕之以去虛實
不可知公論則可見矣人生何可逞機智害人也

與卓大華

弟于天下人中頗澹蕩耳無足觀者丈愛之何其
深也蓋其容可掬焉弟何以得此也會有醜女人
愛之若此而不感者乎汝南別後頗聞丈得罪于
時貴以歸又聞得罪于悍宗入遼不歸時時以問

人近見張畫士乃知丈定居于山海吾丈達人所
在。有以自適男子以意氣忤俗人如敲犬被吠豈
與夫貪污卑鄙而挂吏議者同乎哉夫何不自適
之有第山居日久萬事皆不關心惟一。二知厚未
能都忘偶門生張叅將人來輒附起居近作書之
扇頭冀出入懷袖以見相思也

答魏見泉

天意人事種種可虞誠如來諭偷安林藪混迹俠
少酒徒中第不無悲心文亦何愧于第也若懼則
同之矣行道良難求退亦頗不易秋末冬初東園
之榻恐長懸耳辱惠取酒之資謹對使占謝

答譚岳南

甲午七月得翰教及大政纂山中未能卽報忽復
且三年矣時不可蓄靜言思勞時事不易蜀有甚
焉故宜以屬門下自昔天生英傑雍容之福自有
享者劬勩之會乃獨賢耳銓曹搏手臺省結舌誠
爲可慮第意聖賢之道惟在正已上方以臣下皆
不肖而其中真有秉樞要而爲市井者公論方混

淆而其中復有以混淆爲真是者有力者又以此真是爲真是總之不能制其私意以爲國家何恠乎江河之日下也此門下之憂第隱耕臯澤計在百畝已遠塵注念畧布區區之感風雨雞鳴不忘忠告臨筆依依

答汪澄源

甲中之春台駕入長安適右武論科場事時主爵者大疑第左右武私助之會翁丈有疏第遂遠迹于下執事第辱甚矣此以後離絕如雨第復淪落屏居長與有位斷隔然平晝屈指海內賢豪則翁丈爲雋忽枉翰教發函驚喜若自天而下何翁丈之人偶不肖如此萬人棄之不若一人取之第宜何修以報知己世道日非無與振瑾以其人故非世道所賴也可勝歎恨右武還告煩致之

答梅衡湘

屏居草野不敢通姓名于在位亦不復望茫然之音然于翁丈未忘也而亦邈然曠絕則以豈忘我哉豈過我哉忽得翰教乃知蘭心之不渝矣海內

多故翁丈以當塗之業戴翼其世允太上之所由也遙蕩恣睢自山林之恒態耳豈足爲翁丈道哉

與譚岳南

客歲之仲冬遠辱惠問極感不夷從邸報中知道駕求歸而不得豈有所發憤耶正人在位造一方之福未爲不可何必求歸如弟者本無可用遂自以爲用頗得我所敝鄉郭少叅奉謁想能道之也少叅在省中言媚倭者辱國狀當事惡之麾令外補補浙中復以董氏中傷調任其人真誠淡素想門下一見知其君子也趙人宦蜀者極少自茲可數聞問矣

答馬明河

歲序更新言念君子我心勞結承教知同之也時事不謂至此乃有位者一切留滯徵取之典遂廢此關國家不細賢人之厄會天之所爲也士人生于斯時亦靜以俟之耳惟足下無以自苦夫拮据胼胝賞且不行而求偃息在牀之人乎足下奈何望嘉招之及僕也敬謝拳拳之意

趙忠齋公文集 卷之二十三 三
答劉用齋

匡濟時艱正須碩彥鄙人椎魯無用偷安草澤殊以自愧承教若有羨于區區者自門下濯纓之志耳顧生有定分何可兼遂也呵呵遠惠酒錢以元宵至適助華燈穠李之費式歌且舞感德可言

與馮元靖

世道險棘遂至于此豪傑當作劉伯倫耳計足下有鳳舉之思東園花發可以浮觴十日是吾家事尚狹小之足下如果願當成此絕勝也

與崔振峯

日者辱垂念之厚禦侮同于骨肉能無感激梁太學以臺下閔卹其先人特往叩謝太學孝友人也每念其先人盡瘁事國勲業炳著而歿後未沾卹典五內切剝計臺下不日入朝公道昭明有期矣知厚德必不靳也

答魏陽武

遠承惠問仰儀不遺感激可量偶聞貴縣人言門下爲政大嚴此必出于愛憎之口然不敢不告爲

政以得人心爲本得人心惟在寬仁今之爲吏者
大率好爲慘礪厲威此衰世之風所宜戒也叨在
嬋連輒布腹心伏惟覽察不盡

與董司理

鄙人山澤之癯貪慕明德輒通姓名不謂臺下過
聽而亦有取焉獎飾之深茶首增麗宸宇之厚萎
韭冒榮蓋平生之幸宜徼福于賢豪如此白日在
天何以爲報梁生久欲伏謁遁不敢及睹尊札
念世講之誼感激無已輒以鄙人之言待命闈人
冀得一聽玉聲獲曉冷之益知臺下必與其進

答黃固始

古稱名譽生于朋友信然哉信然哉以星之推曾
尋常之人而澹生梁園爲之友所在譏之遂使逃
聽者以爲君子徹于左右遠使定交星從梁園聞
臺下蓼邑之政媲美古賢而澹生又言臺下深接
梁園若陳蕃之于徐孺當今人心乖僻窺見國家
之意輕忽林下之賢如臺下者豈非善類之所繫
心哉星願與臺下結爲素交不敢自外異日道駕

趙忠毅公文集卷八 二十三
入朝當過我山中訂千秋之約也

答張似洲

僕嘗觀史稱王霸漢之高賢見其子蓬頭歷齒猶以爲耻父子之性自有不能已者小兒之質頗鈍然其志專而學勤無傲惰之意無芬華之好有可取者僕見其年十九矣是以欲其游于芹泮令之就試幸而不見擯落其最幸者學臺人品甚高而郡博梁先生明于聖賢之學涵養甚定兒輩得出大賢之門下升第之榮無以踰此足下之賀我亮非夫他人之意也其敬舉足下之觴

與柳賡虞

聞臺下復有隕珠之痛人生有情誰能堪此然當可奈何臺下深居謝客與愁爲伍恐亦不必然造化小兒欲苦惱人臺下奈何墮其計中以臺下之厚德必能昌後且聞臺下神氣甚旺安知無商瞿之五男也舍親之便裁書奉慰安得詣前一醉同銷萬古愁耶

與周

常州守以臺下之推愛大重江表書來感德不容
口而歸功其座主其座主之感德宜何如大君子
所至人人禔福當此寢關曝纈之際太平在吳中
遐想涇陽玉池諸賢樂可知也小人懷土不能爲
農陽羨是恨耳寧復有他望哉聞臺下省一切交
際而獨惠問及鄙人小兒昨幸入學周督學待鄙
人極厚意者周趙之先其有善緣耶如有往來爲
我謝之幸甚

與李崧毓

入山俱深聚首之日杳不可知矣年來辱門下憊
倦存舊之誼昨者周鶴翁督學且道門下念僕之
厚僕自愧疏節殊甚誠不知門下之愛之若此也
僕亦廢棄不宜言起廢然從古廢棄之盛鮮有若
今日者僕老矣如門下鴻猷穆行久滯丹壑媚嫉
之徒壅蔽清朝斷斷不用病已偃矣而俞跗是逐
可不歎哉蓋趙孟以此明其能賤人而不知安樂
危險汚辱榮華相去有億兆之數也

與馬鳳麓

走足齋公文集 卷之二十三 三十一
天下人殊亦不多求之難得遇之而安能忘乎矧
門下其人而可忘耶第蓋曾得之耿淑臺公云此
公廸德中和道學之真者也方今海內恫擾猶賴
諸賢在位第揣已度時業與雲霞深約不復有他
矣才非作者間爲短章聊以自嬉興過輒忘往往
棄置此第之有耻可教處也呵呵

與邢子愿

郎生還具道仁兄起居佳勝欣喜之深若覲玉顏
所與直指書不知其能達否也第已自廢而見君
子徧野願廟堂有起廢之舉竟屬空言此乃國命
非人之所能爲也仁兄何乃言左海之事乎若君
子道泰弟雖居山中猶能爲仁兄作沈尹也嚴直
指薦佐貳疏未見有司乃無韓子端人材乃無鍾
龍淵何耶梁別駕乃太宰之弟從弟游者也久不
投書想卽金思玄久不奉書之意以空書非時尚
耶呵呵金過家必謁仁兄能悉弟之近况矣張曰
肩病猶未較也念之焦灼弟先仁兄一飯而鬚髮
先白然狂奴之態不減若遇知己猶能飲百杯大

抵吾輩非造物者所能遽老也楚唐生奉謁之便
答前書中語唐生薦紳之子有才志而命運不利
元孚爲之先談於于宗伯及亡兄以憐才者非大
賢無望也昨程君大約書來云于宗伯與仁兄以
文章許弟弟高邑酒徒何文章之有然不能無感
比來困于酒食不暇手書篝燈作此字不悉

與孫開府

星不肖游于淳流之中以適麋鹿之性年來所賴
覆庇不啻續結梯枯舊總河及鳳陽二同年言之
具矣因想見台臺居家時不肖昔年輕信妄言之
罪可勝道哉台臺惠問至再又表其宅里弘獎太
過不肖之愧感真恨后土無穴耳山渚之分不敢
躬叩台階直抒肝鬲以謝

答文受察太府

子端時時書至言臺下重德鴻猷冠絕人代乃獨
人數不肖也不肖間人日弄筆墨不難以尺一道
悽悽逋廢遠迹不敢輕溷在位惟藏之心腹耳臺
下乃加書幣于巖中修古賢之雅事不肖何德以

趙忠齋公文集卷之二十三
承之且推直州梁園之愛以及于不肖二賢皆不
肖之至契顧以清朝之所明棄時輩之所輕蔑舊
交且或遣之而臺下獨納之同氣之中何義之高
也何德之厚也不肖何能爲報則惟藏之心腹矢
不敢忘耳使旋輒布感私殊不可盡

與吳二府

星之自靈山草有辰矣從來不敢先通姓名于當
塗今乃知其固也夫人顧其意如何耳其通姓名
也而爲攀援囑託依倚暴橫則君子之所絕也若
乃仰德懷仁而不忍自外倘亦未爲不可乎星竊
聞臺下至清至公片言之出皆依于天理合于人
情協于國典斥詐諛之詞惡苛慝之政雖勢或有
格而意則已諭若在位者皆如臺下則人世豈有
怨咨幽陰安得冤抑是以星也願通不肖之姓名
于臺下所謂仰德懷仁而不忍自外者也不腆之
儀貴抒下情惟臺下鑒其不敢輕瀆重發而易愧
也而垂納之幸甚

答涂廣文

星下中之人耳然所交與必勝于已者昔薄遊時
與世落落耳乃江以西相知獨多蓋同時仕宦者
所交幾盡其未識面者亦以書札相聞星之不肖
何足以見知于賢者抑其緇衣之好出于天性自
能玄感而遠諭也入山旣深已無望于新知矣不
意又得門下星知門下之賢久矣聞門下之有意
于星久矣逋廢之人義在屏縮所謂沅有芷兮澧
有蘭思公子兮未敢言者也門下遂命膚使于山
中先之書幣訂良覲之期星也幸甚幸甚卽折芟
荷以爲席抽昌蒲以陳坐汲華清以瀹茗擘茹蕙
以藉肴成鄙上不朽之事矣

與何寧晉

天下遘元元之厄湫底無告者所在而是牧民者
實爲司命豈不重哉然何其難也臺下甫下車而
愷悌之德人人悅服頌聲洋洋乎盈耳昔人云大
海蕩蕩水所歸高賢愉愉衆所懷豈不然哉星不
佞密邇大賢之邦霑被恩澤不勝緇衣之好病劣
閉門久矣無能伏謁左右再拜遣使布區區之愚

心以極菲之物明其極誠伏惟臺下鑒其悃款幸甚

與李于田

小兒幸入府學矣遠承垂念特使問之感曷可言
弟年來益知文之佳惡回視舊時之作多兒童伎
倆耻不欲觀是以于兄詩序尚未下筆也大抵詩
文之道無窮學之者各就其意之所尚耳兄愛歐
陽永叔之文李杜王孟之詩亦言其所尚也以爲
前人莫及則未必然要之古之傳世者皆有真骨
格真力量自成一家今人惟餽飭古人字句求之
皮毛之間絕無古法况其精微玄妙者乎識者良
亦甚難孫月峯數有書絕未言及今文選弟亦未
之見也安得與兄促膝數月細言此事乎

答周鶴陽

鄙人固聞臺下之義久自入子民之中而知之益
深恢恢乎河海之廣大也昭昭乎日月之光明也
非世之所謂小君子也不意臺下亦有取于鄙人
當校士倥偬之時垂念幽仄惠之以書懇懇乎若

累舊積素安在其傾蓋乃如舊乎義高于古人矣
鄙人今年五十有六鬚髮顛白食粟未甚減而少
年意氣都盡無能爲也已天下之事當屬臺下鄙
人讀所上封事閭閻侃侃何忠愛通達之兼至也
豈有比哉校士之精于臺下緒餘耳兒輩幸在陶
鑄中得綴世講之誼令之努力以答鴻造不知其
能否也拜惠惟德名言莫罄祇有瞻馳

答程君房

僕薄遊之日淺退而隱于鄙上聞見甚少以爲天
下亦無異人盡于其所交與者矣得門下之墨苑
讀之天下猶有人哉何門下之文之雄豔而意氣
之峻嶒突兀也意者其潢洋而無所寄而寄之乎
天地古今萬物之賸而悉以寄之乎墨以抒其奇
思又博求天下之文人共爲讚述僕非文人也門
下亦欲載其姓名蓋惟恐有所遺也夫僕固願交
門下以通狂惑焉無功而得鈔墨五種感德多矣
不敢復當厚幣也

與朱和陽

數年未往來數日再往來恒陽復從我遊往來無數矣而敝縣焦廣文又得貴邑親炙台光一何奇也廣文忠信人也惟老丈暖眼顧之卽官不冷矣

承命爲大集序僕誠不文然固不廢讀書但踈懶太甚成文不甚難而搦管極難往猶輕諾朝邑雷侍御之碑十數年矣魏元伯乃尊之志銘數年矣長垣李司馬之詩序三年矣諸如此類頗多皆未能完今欲自勉強漸次作之卽不敢復有所作蓋僕之年日高宜省思慮少有知識令藏爲用馳詞奮藻非僕之事也言出肝鬲亦是老者知止之一端高明必不以爲罪也

答姜肖鳳

山中再辱惠問仰見垂注之深徐山人希震姚山人廷城等來具諗道候清吉形神方茂鄙人先老長官一飯矣鬚鬢皓然林中之樂已不能勝何暇念天下事天下事固亦未易爲也比者當塗謬見推聞已發票送上而復留中此天欲其藏拙也他

日國家嘗起廢矣命運利者往往立取大官然于國家無秒忽之益此王良之所以不可及也故天下不患無起廢之時而患無起廢之效此所謂只合終身作卧龍耳鄙人恐無能爲矣老長官才與志皆足有爲願努力

與劉叔定

僕之離去舉業已三十餘年如老嫗不解時行敕束第以林中無事時有相問者聊復爲之于今之取高第者不大識其佳處惟頗知王綬山耳其筆舌無所不能言而物足以副之竊謂此文無時不取高第足下之文高調深思迥不可及然意在投時不免求之太過世人不過好奇耳彼之僞奇吾不能知吾之真奇彼亦不能知世人那得眼珠不過以其不能知者爲奇耳真奇者以左國班馬之詞發明聖賢之道而精邃變幻如韓非間以王充論衡之意爲之高而華古而妙不唯唾手以青紫亦且傳之于世與有舉業終始今文體之壞已極恐有出而正之者然我輩固當正人此僕之迂見

因足下虛懷不敢不盡言惟高明擇之而便中有以教我

答李見素

士之驥奮自有定數一蹶不足爲悲也足下才識道氣允堪上達惟願殫心務學常若臨試之時僕忤世已深解巾無意足下倘能復來盡讀所有之書探討文藝期爲名流非徒若目前之所謂舉人進士者而已僕之至願也惟足下圖之

與彭曾軒

不得足下問久矣戰勝而肥所不待言惟是世界爲時賢所壞一至于今似無平治之期念及于此當不無怊悵耳弘甫歸里卽僕之有文岩益不寂寞向云爲詩今必成帙幸教我僕生疏懶不大爲詩然世人無甚識者僕眼中似有珠耳

答劉厚吾

杜將軍所推結當今之詞人悉得其篇章奇麗之觀備矣乃復走使數千里而問第山中第非詞人也無亦過聽仁丈之言塵霧不遺以成山海之大

起思齋公文集卷之二十三
乎其使來值第極冗之時卽草草作答亦于酒地
獄中爲之苦可知矣第之于詩文不能苦思每待
其自來而後命筆是以常遲如有督趣者亦復不
遲今唐昭甫在此仁丈及將軍所委者則昭甫督
趣矣先此奉復不一

與沈太素

久不得仁丈書知仁丈處繁難之際日不暇給遂
亦不敢輕奉書第白髮日多跋扈不減舊令天人
也那可多得在位者夢丘壑便欲禳祭如以濟物
爲念禳之亦可也廟廊丘壑自有定期正不須著
意其間第與郭侍御飲未嘗言去興闌則自不容
留世事皆若此矣以飲中之嘉客而不肯提杯則
舉世無復勝會安取夫號呶日富者乎仁丈其勿
言丘壑也

答王長清

年來辱門下道義真切之愛別後甚思之惟努力
明德使長清之士民世世愛戴乃慰我心夫宰官
之俸不薄可免饑寒而借之以積陰德立榮名爲

子孫之光寵世人皆莫之爲而徒爲人所唾罵何其愚也惟門下可與道此耳

與李九我諸公為魏中丞劄記

不肖山中人無與于國家之事然忝在士人之列名教是非人人之公心也在野者賴在位者以安人人之私情也不敢言生者而言死者山中之所得爲也言之正在初死之時久之則賢不肖是非漸以不明死矣而賢不肖是非不明則是終無時而明也善者何勸惡者何懲此孔孟之所懼也若

南樂魏中丞者不肖求之近代罕見其匹其賦性真可謂剛無一念脂韋以參之其體國真可謂忠無一念及于全軀保祿位其臨事真可謂公無一念及于私其盡職真可謂勤無一念謂可偷安以積資至其清潔之性稟受尤異雖舉世以爲受之無害而却之爲過者一切不受彼旣若浼人亦莫犯撫晉九年惟有常祿公費之銀可任其出入而人不預聞者非惟不以充橐亦不以交際至于廩給乃其私養錢亦不之愛而悉以用之修城修學

建堡設兵修前賢之祠聚士子于講堂而教養之
造無窮之福樹不朽之功而又乃身在外心在帝
室屢進切直之言欲上懼災修省罷利用賢至以
死爭之中丞之爲人大畧如此天下之士人無不
聞旣無容贅亦不可得而盡述也由此而談近代
孰可爲伍者哉而聞朝議卹典加厚或言官無可
贈以其新陞故也子無可蔭以其新蔭故也此所
謂例也安在其爲加厚夫有非常之臣則宜有破
例之賞破例之例卽異日之例若中丞者宜起例
而不宜拘例者也恩典何常之有惟其當而已設
使中丞之卹典加厚溢于恒格天下之人未有不
悅服者以其當也寧有破例之訾耶由此言之加
厚何疑且其撫晉九年推陞二十餘次其推尚書
者再矣命皆不下夫中丞爲御史時以建言左遷
旣而復起以至開府其清望著于海內可以立登
三事而忠愛之性不能自己屢疏直諫忤廟堂之
意以致九年不陞夫以盡忠之故而淹滯以淹滯
之故而拘例此人之所以趨巧宦而笑愚忠也中

丞忘身愛國寧求死後之榮第國家之報之者不宜薄耳且例之不可破也慮後之以爲比也若爲臣子者皆若中丞則皆當加厚不爲破例然既往已不多見將來必不易得苟非其人而子孫援以爲比則是無耻之甚者也其孰能從之故中丞之卹典其當加厚無疑若生則以忠自困死復以例從薄則山中人不敢言而心悲之當俎者必不至是然區區不能無言也

與王射斗

比者數有所瀆實大左右之義輒辱留神感曷可言聞喜硜硜自守不能調世下石已深救之無及惟心感明德耳適得魏道冲書中丞卹典議者似束于例人旣不同時亦有異士大夫之赤忠苦節無毫髮之私如中丞者甚少此人之不同也且使中丞以其建言清節爲券而取大官默默容容如王司寇輩每推卽下則已躋三事矣此時之有異也有臺下在朝必不奪于拘攣之議不肖感平生之知己不勝私憂之過而陳其負薪之愚不計其

走忠齋公文集 卷之二十一
可聞廊廟否也敝徒李進士標令之一睹玉顏伏
惟省納

與岳石梁

趙子春回得翰教甚慰鄙人度已觀時林居頗佳
正與長公之意合一二相知妬其安逸而欲引以
同朝即使見用門下以爲敢遂出否彼唐子者真
吾之所思也南樂魏中丞卹典吏部行查山西者
已至輿論皆謂宜破例從厚此萬代所仰非門下
莫能定之鄙人無與天下事獨于此不能塞耳惟
門下察野客之何心觀詩人之變態卽以去就爭
之可也

答梁衆甫

僕聞足下爲執金吾欣喜之情異于恒庶以足下
之才不得一第而僅僅起明經高不過別駕乃不
意中得此雄職誰能不喜然此所謂恒庶之情也
武職世襲者大都皆膏粱紈袴之子書所云驕淫
矜誇將由惡終者也而地勢崇顯騎從喧囂益不
能自持其言動日益醜僕嘗言仕宦不可有襲職

武弁尤甚足下以孝弟之性都雅之姿明詩深禮
練習世務足下得執金吾固奇未若執金吾得足
下之奇也衰亂之世居官者無不擾人此官更甚
足下以清淨行之即同于者或亦化而不擾是為
大忠是為大孝惟足下爭之暇益讀書味道求
詣其所未至天下方多
家鮮可賴者僕漸老
矣幸足下努力

答喬聚所

聞吾兄大錄勞苦而復有令孫之痛此何等心事
再枉書問使人感激不可名狀惟兄善自寬凡事
責大指勿過詳審愛其身以待異日為天下造福
是弟之所深望也兄清貞得之天性何言砥礪臨
清守求書于兄便如一通官告詎敢作殷豫章想
以險遠未至耳對使占謝語短情長

答蹇制府

燕薊趙魏之間以環列宸極邀福自多得台臺再
秉節鉞文愛武綏吏遠俗泰而星也用是以夷猶
徜徉于山草溪雲之間幸矣幸矣台慈又若有所

過聽垂神幽仄表厥宅里惠問隆厚龍光動于逖
邇星不肖何德以堪台臺功著社稷行且總綱維
安海宇使不肖引鏡目明不敢當屬望之厚統之
佩感明德無沫耳探懷陳謝不盡

答張滄西

妻祖馮公典濮州時妻父馮太學得問業于玄石
先生不肖二十三遊太學遇中一丈遂成莫逆之
交恒相過縱飲因得以交于杏石先生而不肖休
沐時中一來亟稱門下高才能飲酒我輩人也昨
梁別駕書來具道門下個儻大度品高一世自惟
朽廢之人恐爲英妙所輕不敢具書而門下損書
先之得睹太公之遺事遺文幸甚幸甚忠賢之裔
安可比常人乎非然者亦未必願交于林藪之癯
也別駕不肖之石交通許至親得門下引重之冊
霄之價定矣何幸如之

答仝廣文

吏治之壞已極以貪爲能往者趙州孟廣文自習
署敝邑數月受取絕多鄙人作孟黃鼬傳紀之蓋

孟君乃延津人爲秀才時家貧好食雞數謂平民侮已言之有司以雞謝罪乃已故有黃馳之號宜其署邑乃爾門下之在敝邑一塵不染士君子不當若是耶貪則譏之廉則噤而不稱非人情也鄙人何敢以人微言輕爲解門下冷官所况乃太厚鄙人受之何以稱門下乎謹壁上幸亮之

與劉石閭

往者司勳之推出于意外比得岳石梁儀部書具道門下拔之山中甚力事已不行區區之意可以無言惟有感激知己耳天下不乏賢士大夫惟江西諸賢汲引幽仄保持善類之功獨多蓋正氣之所鍾先達之遺美也鄙人不敢爲謝茲聞南樂魏中丞卹典之議未定此公鄙人之師表寤寐敬仰是以不勝過計而私告于左右以見入山者不暇遠迹塞兌者不能無言亦足以明魏公之重德國典之宜隆矣山客之言惟恐其贅而不能已復有奏記伏惟門下力贊之以崇朝美勸臣忠鄙人不勝悽悽之懷

與趙準臺

星不肖行能無可採錄台臺持斧恒山時至特行
下邑而欲見之不肖未敢也然何能不感事竣而
舉遺佚不肖之姓名與焉不肖非其人也然何能
不感林居日久鄙野益甚無能以一字爲候亦以
小禮無用之故比聞南樂魏中丞卹典之議恐拘
于例無以厭服天下此公天下之人皆知其清忠
開府貴鄉久台臺更深知之其從臾當事者加厚
必不遺餘力不肖何事多言如此之人如此之事
國家所以自爲計例何所出而若此野人感焉敢
私告于左右以門下在事必不使斯人等于錄錄
張樂老處未敢獻書惟門下轉致區區

與李九我

鄉舉同年凋苓幾盡翁丈尊節式高羽儀朝著不
肖藉有光寵雲壑懸殊不敢修起居之節適有大
端以告左右南樂魏中丞忠如子魚清若伯夷天
下皆知之矣聞卹典爲例所限難以加厚諒非翁
丈之意守例者有司之事也非仲山甫將明之道

起忠齋公文集 卷之二十三 三
也不肖雖罪廢國家之舊臣受中丞之知忝同舉
于臺下恐恩紀之猶他人不足以塞四海之望爲
青史所譏輒以私議上之典記劾螢燭之末光知
大君子不逆芻蕘也

答吳徹如

主爵者旣起兄田間用之則行此有師言更復何
疑亦何必悔國事誠難措手盡吾力之所可爲以
俟上意之轉移此處稍有火性卽不能居稍不慎
密卽防老拳建言立名斷無益于天下此外更無
奇計目前南樂魏中丞卹典一事所關最重此公
人品高天下我輩恐不敢望贈廕之類定須破例
加厚乃服人心必不可聽流俗之說執有司之見
貽譏于後世也奏記可送岳石梁一覽此君大有
識會可與深言新進士李標敝徒也令之一見吾
兄可督教之

答張曰肩

古人有言百姓王人莫難于不妬而進賢死爲易
士大夫每言婦人之妬恐于求已之道未盡名位

走忠齋公文集 卷之二十三 四
尚猶相妬衽席之間參以傍人結髮之愛豈能不
減設身處地誰能漠然不動乎以聖人之量望婦
人而不自覺其非自古夫婦之道多苦皆由于此
僕近日知平生之罪多矣每讀班婕妤好之賦未嘗
不流涕也足下既知閣中之無過稍一反照則彼
輩終當從恕而况其未必然乎

答謝侍東

甲辰從鍾嵩得足下惠問既而走一書奉謝則道
駕出都門矣悽悽之私徒有刻著五內耳再勤遠

使愧感可言語曰何以知國之衰人人自賢不務
于通人今者人人自私以私相結合爲一家異已
者不得而入足下本以任事之勇疾惡之嚴至于
鍛羽僕之廢亦坐此固人情之所不便也然足下
之淹抑亦太甚矣卽未必能盡大賢之用何至棄
之塗泥而不問此亦僕有過焉天下事皆被士大
夫壞盡無復融明之期涕水之上僕已自分終老
不復得與足下同朝惟以家在畿輔四輪之區相
見尚有日也惟強飯自愛

與姜養冲

比來臺諫思職危言不諱遂使鬼魅呈形沐猴露醜卽雷霆未擊斧鉞未剗亦難以混人羣汚冠帶矣而新建所稱之豪傑乃逢人叩頭無肯饒者快哉快哉不意此生猶得見之然皆吾兄與鄭禮部鼓率之力此功不小邪正交爭未卜所底而涇陽文岩之命忽下此如夜間擲物偶入袖中耳澹生徹如可以爲鑒不者便當如王姓者持建言爲左券佯死假活坐取高位不者一言甫出卽仍賜玦何必屑屑往來也若聊以待時則皆舍曰欲之者也講學不在多言毋自欺三字古今鮮能行之弟也兄說破此竅願與同志者共守之萬勿輕出假行道以取大官托榮親以媚妻妾也來春之約當必不爽刁酒頗佳敝裘尚在可勝饑渴之懷

與郭道人

星有天幸聞當我之時而有仙翁者得上仙之秘訣鍊神合虛玄通造化金丹默運雷雨立至暫游人間以待鶴駕星塵根穢質何足以聞至教第念

仙翁離羣獨修未必知世人之善惡抱道不傳非上帝之意傳非其人殃咎及身而士大夫爲甚士大夫之爲惡者誤國害民正宜蚤已而或得延年之術以久存于世長爲災害詛呪不效劍術難施知其由仙翁之教則亦代受其怨恨矣非我殺人實授之刃斯上帝之大律懍懍不可觸也星雖不肖然自幼而有廉耻性頗慈良自誓居官必救萬民居家遇一蟲一草必加仁心今年六十漸有衰相然鼎器未壞尚堪修習謹托友人李按察訪求仙翁願俟過我齋心請教伏惟察其一念向道之誠而不棄之是星之果有天幸也日夕望之

答段幻然掌科

客歲九月讀台臺舉發密揭之疏如取日月于九陰之下而掛之中天使鬼魅吐舌而駭愕善類抵掌而相慶則語郭侍御曰天下安得此快人作此快事相與呼酒大嚼今者侍御遂見玉顏豈不快哉台臺又知世間有不肖而書問及之不肖幸甚天下徒大同志者能幾人其位居我上者皆欲其

心焉者也何同何未同天下事殊有難爲者幸有
台臺諸公林下諸君子得佐下風猶未可知然已
矣無可望矣不肖與爾瞻被蝎譖巧且深誠如來
諭然我輩固未嘗得罪至尊不過得罪政府政府
之計不過屬中貴禁錮之中貴之信彼未必不以
久暫盛衰易慮且其人亦屢易矣何其若一丘之
貉也大都士大夫之患失者皆歸依中貴則必借
中貴之力以沮其所惡非獨于此也亦必沮其所
不惡蓋恐端開于其所不惡而其所惡者隨之以
進也由此言之一人內結足以爲九閹之虎豹矣
而况不止一人乎不肖無足言者獨念國家侍士
大夫不薄旣以私心壞天下事至此而繼之者其
私益甚可恨也時事是非非林下人所敢言惟幸
比來安于無言耳至尊一念轉移不患是非之不
明不者殆不知其所究竟矣三吳林下多君子願
台臺皆與共圖之久乏便羽敝門生寧國府梁通
判夢陽舍親梁太宰之弟也有人來輒布腹心謝
比部繼科敝門生也剛直有文以任怨忤時淹于

趙忠齋公文集 卷之二十三
仕塗統祈台臺响植之

答章元禮

唐生以臺下書來喜出望外平生所傾仰一旦而先施之又贈之以詩教之以近作倏然直以爲可與言者星何敢當星儻葛廖落人也于天下事無所好稍稍好文然亦未苦心不能久坐搆思主于速了粗足暢其意而已是以絕不能爲四六得書非久卽爲四詩不敢草草具復而唐生又遨遊不相督趣蹉跎數年逋慢已極唐生來乃始淳濯擇言以復文人無行此庸俗疾妬之言而不通之說也夫文人無行無文者皆有行耶譬之云美女善淫醜者皆不淫耶近日之言曰建言者多小人是容默者皆君子也疾妬生于心何所不可說足爲一笑耳臺下之詩文皆已臻古作者之域可垂不朽星今者文字之外無他事未能盡廢然才不敏而好速聊以自嬉而已未足爲臺下道也伏惟臺下勿以逋慢絕之時惠德音倚馬取答

答陸季高

不肖癸未入銓部時太公爲少宰也及壬辰爲太宰起不肖于田間親爲書督趣之蓋前此所未有區區不足以當之非徒感知已之義而已自謂亦足以知太公竊見天下人非私則憤不知太公者頗多每欲著論曉之而未能也太倉相公人皆言其奸佞不肖謂其學奸佞而未成何也弄筆泐詞而適足以招罵巧笑善哭而不足以欺人不肖之被逐也有人貽書責之彼答曰我朝二百年來未有以郎署小臣裂麻毀詔者舍是非而論夫臣小

臣則天下之宜爭者惟籍沒江陵之事耳饒豫章論其子而廷杖之無論太橫亦非所以愛子也其辯疏曰臣之子不合誤投臣胎臣不合教臣之子以讀書可以此對君上耶分宜江陵不見有異同之迹鹿可爲馬更何異同如此之人安得不詆訾太公也舉一世之君子皆唾罵之其唾罵一世之君子不亦宜乎叔時救世情深諄諄責望之不肖則直以爲不足與言耳近聞其孫甚不孝祖孫父子夫婦之間若彼未必非雲長之所降殃也匪朝

伊夕且入口舌地獄矣不肖終以爲可憐不甚惡之也門下所述太公行實較詳不肖自此當竭其不敏之思曾見翁所爲傳刪去前段以就列傳之體可耳

又

向者貽書長公蓋有感于郭明龍之不知太公也此賢者猶惑于人言况他人乎承長公之教今又得門下書侃侃諤諤自是正人口語太公爲不朽矣彼鸚鵡之雛豈能作人聲哉俗冗頓劣不能手書篝燈屬草白髮指冠所惠領謝見沈老師爲道無恙新從馮文所寄一書矣

答喬聚所

報中見貳公之推久矣何其不遂下也門下撫蜀之績焜耀一時勞苦已久宜入朝典九德三事而遲遲若此山林之人乃欲析圭僭爵豈非乞兒想天鵲肉耶孔子曰富與貴是人之所欲也第非曰遜之誠見之頗審不萌妄念耳章甫微恙平愈已久體中尚弱數相聞而未見有問必以直告但老

措大知有古法不解時局耳

奏記傅按臺

今天下之民已貧矣其所以貧者非一而其大害有三曰徵收之投櫃也官價之公行工匠之造作無已也而投櫃之害尤大聞之父老言往時徵收分項而派大戶以有身家者爲之有司絕不干涉惟收完起解一稱驗而已卽有司之俸金猶出于大戶之手嗟乎何其清淨之至也厥後不知誰氏子唱爲條鞭之議條鞭者總計各項之數而徵收

之似爲易簡矣而乃改大戶曰櫃頭曰收頭投櫃于州縣大門之內使民自納銀而櫃頭主之至晚則寄之庫中賢者自無點染而不肖之有司緣以爲利徵收日重而小民比屋懸磬矣在上者如欲救民則必首禁投櫃之法復大戶之舊爲最急鄙人久懷此意而無可告語幸而撫臺至業已稍發其端又幸而台臺至欲言之而未有便也敝邑晉令初至誓心爲善雅志濯纓與鄙人之意符合毅然以滌弊蘇民爲已任聞已申于兩臺趙魏之民

自是有子遺矣鄙人嘗聞以語人則有駁之者曰
有治人無治法鄙人以爲非也審無治法則詩人
何必云舊章尼父何必稱方策况投櫃乃亂法耳
育處女者衛以重閨萬一猶有窺踰之隙若置之
淫房則必無貞潔之行矣而乃舉其萬一者曰有
淫女無淫房可乎不可乎則又言駁之者曰以防
大戶之侵欺鄙人以爲又非也夫州縣之人多矣
而爲大戶者幾人猶不能選其良實禁其侵欺是
守令乃木偶人也以木偶人爲戒而行誨貪之法
可乎不可乎二說皆不勝將歸怨于發端者惟大
君子自能保持之耳然此事殊不難行惟兩言盡
之曰必不許投櫃必不許入庫謹括其大畧于別
楮奉覽以備採擇身居閭閻自爲身家子孫之計
非敢于非其議伏惟台照幸甚

與傅按臺

王選部沐台慈之厚銜感九幽逖聽者知所歸心
矣徵收之議仰見台臺太虛無我之心不勝悅服
鄙人從馮蘅洲諸君知台臺真比數不肖于人感

激思報是用竭其愚慮不知其可否則鄙人三十
 入朝家居者二十五年間閭之疾苦有司之情狀
 見之熟矣投櫃之法不知他省便否而此鄉之人
 深以為苦晉令之至深以為羞假使行之不便而
 不肖議改取鄉黨之唾罵又以之誤父母官以獲
 戾于上下則亦愚之甚矣惟台臺察之夫為直指
 者鮮有流無窮之澤垂不朽之名于其地方者也
 非台臺孰望焉前書之所未盡者復為野談一首
 謹奉上以備採擇尚未敢遽告之撫臺也今更有
 一大事為台臺言之京察之期迫矣此故大典而
 明年所係尤重否泰剝復于斯乎決之少微許公
 明徹而端亮今之寶臣也當事者起之苦塊之餘
 再擢而為御史大夫俞旨隨下鄙人聞而手額曰
 幸矣聖上之眷許公深也敝徒有從許公所來者
 曰未肯出也既而聞許公為其父母求卹典鄙人
 曰此疏似蚤既而曰雖然此可以卜許公之即出
 矣無何而卹典之命隨下鄙人曰幸矣許公非久
 且出矣乃至今未來山中不知許公之耗如尚杳

走忠義公文集卷之二十三
然則望台臺上一疏責以大義丐旨飛騎催之來
以爲善類造命鄙人雖廢棄而不能忘國恩不能
忘知己輒效螢火之照以裨龍燭之光伏俟德音
以慰饑渴

又

日得許公入朝之報賢者急病而讓夷出處自有
確見鄙人之言爲過慮矣得無見笑于下執事乎
然內察必有可觀欣喜良深耳向辱台諭卽上撫
臺書已蒙許允徑革投櫃之法矣是舉也非兩臺

皆正人則不敢言非皆以鄙人爲人則不敢言假
使邑令非同心之人則亦不敢言遭際之妙聚于
一時不可謂非天意也鄙人不言是謂棄天矣鄙
人因是而有感于士風之衰也古之占夢者以財
利爲污穢士大夫之稍自好者自能遠之若乃傍
觀者慮其浼而言之上之人又言之而猶不肯遠
曰吾以防下人是猶化而爲鼠乃能捕鼠也是何
等士風也其不然者則又曰貪廉在人耳彼貪者
非法之所能縛也夫墻垣門戶之設乃所以存禮

義養廉耻也今舉穿窬取捷之巧以明墻垣門戶
之不必設則莽操温懿之事可以廢君臣父子之
禮矣然言生于有其人是何等士風也此台臺之
慮也鄙人之始而進言惟恐其不直不盡今辱許
允乃悔其太直太盡恐長民者聞之以鄙人爲刻
薄無良之徒鄙人聞之細人愛人以姑息君子愛
人以德鄙人數奉君子之教矣所爲斯言者欲長
民者不見可欲使名節不壞而見重于士林省刑
薄斂而恩澤加于百姓陰德及于子孫此鄙人之
心也夫何覬覦之有前書所謂台臺流無窮之澤
垂不朽之譽者果如所願矣勒金石而播管絃鄙
人何敢讓焉請以爲賀此台臺自愛其赤子自盡
其代天巡守之責不敢以爲謝也

復王撫臺論大戶書

投櫃之害蒙台臺銳然欲革之以救此鄉之人屬
所莫不聞之晉令諸人奉行德意未及朞而得薦
是以檄未下而莫肯復投櫃者順德府業已刊刻
告示班之屬縣卽府官亦不經手矣承教議定大

戶之名數不肖以爲台臺宜先檄下郡縣革去投櫃而後徐議其餘蓋不肖于此一事晝訪于父老而夜思于夢寐始也甚恨倡投櫃之議者比于作俑旣而思之彼見里甲被有司之害深也故變而爲條鞭力差之銀皆徵入官無下鄉取討者故遂令投櫃不知仍令大戶自收亦有何傷此其所見之滯也然何嘗曰必入庫必令有司經手乎但旣投櫃于大門之內若令多人守視晝夜囂穢非所以示清肅也風雨霜雪辛楚難堪非所以體下情也故遂至于入庫性急者每晚折封而抽取之不論其爲羨餘與否性寬者數日一合封名曰順櫃而總抽其羨餘此有司之過也然投櫃必至于此此其所見之踈也由此言之里甲之爲條鞭不必革也大戶者收頭之別名耳彼其時里甲旣變則銀多于往時其收頭之名數皆已斟酌而定之不必更議也今惟令其勿經手勿入庫勿用天平而已請以高邑一縣言之縣十二里每年稅糧等銀一萬二千九百有餘每季收頭十二名每名收銀

二百六十餘兩所收之銀不宜更多其人不得更
少人少而銀多則干係太重防範太難良民太苦
而奸民必至生心故高邑收頭之名數不必更議
恐他處有收銀太多者亦宜以此爲太率耳伏惟
台臺令郡邑以檄下之日革去投櫃其收頭若干
人以後作何奉行奸弊作何禁革令其各自條陳
台臺以此觀其志趣焉觀其才識焉觀其學問焉
此察吏安民之精者也不肖引領望之且北嚮而
叩頭以謝矣此事之外復有倉社可廢萬萬無疑
恐書不盡言輒爲廢社倉議一通奉覽不肖林居
十九年所見瘡痍之狀所聞怨咨之聲久矣一毫
妄言豈惟神明不容亦何能當鄉黨之唾罵哉惟
台臺用不肖之言如不肖妄言以誤台臺則請無
以爲人而拒絕之可也臨書不勝懇祝之至

答楊止菴

向辱翰教若以星猶有人理也者而獎進之非他
人竿牘之比也星感甚愧甚星當奉教于君子有
爲學之志而天資鈍劣于道茫然未睹惟守其鄙

走忠齋公文集卷之二十三 五十八
朴而不以仕宦化爲儂巧如斯而已矣每惟有道
爲天下君子所係欲目擊請益而不可得今更無
望不謂猶勤注意久不敢以書入長安回環自念
逡巡久之聞台臺有欲歸之志恐萬一得遂前書
終不答非所以待長者又非同志之誼也邑中有
北上者輒陳固陋奉教無期星不敏敢不砥礪求
尺寸之進以報台臺之厚

與申瑤泉先生

星最不肖自弱冠爲老師所舉辛未下第學于京

師隨衆進見足未嘗私至老師之門未嘗以小文
一首奉覽以圖聲譽而老師獨以星爲人稱爲端
雅入官之後屢進狂言無不採納旣而拔諸吐棄
之中列在清要蓋星少年游河南宿修武男子吳
自省家以雞黍相飯不受一錢至今未忘若受老
師之恩等諸天地父母忍心自外必爲神明所殛
昨日之疏近于相左然老師于天下之事付諸所
司毫無成心卽他人不知星所親見如山海主事
老師欲用之當俎者一云註差輒不復動此豈近

世大臣所能耶然一人之公終身尚少衆人之私
一日卽多如李楨正卿也俸二年矣姑無論其人
之德望少卿陞矣而正卿留俸數月者陞矣而二
年者留老師以爲平耶不平耶其他類此者不可
勝舉至乃一人當事而鄉里皆賢一人得罪而合
省皆不肖抑又甚矣星實內不能平若徒忠言相
告將見爲畜鳴默然斥逐若夢中被擊將誰訴語
不如告諸君父傳諸史冊此則星之私心也然恐
外人不知以爲老師當國門下士發憤頌言似有
所少辜恩負德犬馬之所不爲而星涉疑似之迹
恐險薄之名百世不改用是不徒以口舌自解托
之筆墨庶便示諸相知且得傳之子孫見我師弟
子之誼甚深甚公云爾然星亦願有所獻于左右
者可乎蓋凡世之劾人者上則爲忠次則爲名次
則爲利若劾君子何忠之有身爲不義何名之有
得罪君子終身不齒何利之有有人于此羣然劾
之豈三者之外別有所爲耶古不云乎政有所反
之以便民也言政雖非善而人心所便勢須從之

况衆所同非何必皆謬伏惟老師察之惶恐之中
語無修飾伏惟老師寬之

之筆墨其斯示諸昧昧且野野之乎將良涉理象
恐劍戟之各百世不如用是下盡以口舌自稱其
祖少辜恩負壽大無之祖不為而星步幾以之德

此書藏石沿村尚中

不遠止歸中往者親

江以得閱急如陽在物計

公重見知人

外水園行方必以舟連口天

必中早親書是

不為駢修所累滑稽處時似子瞻

戊子六月兩中書 臧盟

趙忠毅公文集卷之二十四

鄣上趙南星夢白著

上艾張三謨日葵閱

雲陽姜大受抱宏較

廉善堂四六

○答章元禮吏部

夫純粹之精乃立昊天白日實明之氣實生君子
賢人周回於百年千年萬年億年惟殊面目往來
於東海西海南海北海匪隔山川屈軼生庭則與

夔龍而時亮窮奇在位則如沮溺之偶耕雕虎何
心風生從乎清嘯華鍾不動霜至使其高鳴伏惟
臺下江表奇才斗間正氣讀五車之典籍展也碩
儒爲萬牒之文章居然大雅試宰青蒲湖畔行人
羣祝於虞祠移官白紵山邊去後同歌於禹迹贊
圻父則伸威廟略屬秩宗則增賁皇猷肆秉銓特
調子朗繇當軸欲收人望順其意卽私家之桃李
拂其情有主上之雷霆某性拙投時若鼠之不容
穴志強用世如狐之欲渡河企仰高標天南北而
未繇接席薄遊秘省官後先而忝在同寮惟欲其
執簿呼名何意乃直躬守道故甄收之未久輒擯
棄以相隨君不逐臣而臣逐臣安得皇天后土人
不容我而我容我非無白石清泉詎期天上之人
謬取下中之品意傳尺牘傳累牘而意彌深情寄
聲詩寄四詩而情未盡舒霞摛繡古今人鮮可與
儷借雕朴飾枯牛馬走祇增其趨起一朝千古豈
惟三歲於懷萬里比鄰願請終身而誦瞻仰日月
倘茲望之有時依附芝蘭庶馨香之不變肯耻折

楊之唱敬酬喬木之聲

○答華傲新工部

某鄙上鄙生岳陽末族結髮處少年場覺椎埋之非是垂纓從大夫後嫌撫拍之堪羞偏信儒書不諳世局巍巍黃閣不容者非止一个臣歷歷清泉同樂者幸過百餘輩南箕北斗舊好漸稀白水青松新知何望伏惟臺下玉心朗徹芝采清華一班窺淡月之章三復見陽春之唱龍鱗鳳羽未足擬其雄文雪鏑霜鋒時自露其俠骨山中姓字誰教

送上丹霄天外音書詠意飛來碧澗諺聽此惟之

貌日以夷光遠求鴛鴦之才稱爲步景當塗若彼已違攬轡之情知已如斯久息彈冠之志聞循良之被召訝臺省之無名見在含香從自南而自北預裁諫草知何日以何年况虎豹當關忠言難入蝸蟻聒耳痛哭誰聞不如息翮而早栖於以乘風而直上允懷明德敬抒愚衷夢魂不入於五雲書扎莫疎於雙鯉

答路稼部天衢

走足齋公文集卷之二十四
三
伏惟台臺德若孔門之哲政如漢代之循譽望已
高於百城勤勞復過於五載枳栖甫脫蘭署量移
丹詔白麻已稀聞於此日烏臺青瑣知定屬於何
人隋寶時闇而日章應龍暫蟠而必起豈意山中
癯老見知天上英人聽花徑之足音人來伯玉啓
珠韜之手札字重千金矧沐多儀何勝刻感短裁
爲謝永矢弗忘

答夏繩北司理

夫勳名無定惟運數之所遭操行有常乃人流之
攸係故熏天勢節不能使豪傑歸心樞穴寒微可
必無凡庸結好小喻之則蜉蝣蟋蟀大言之則雕
虎神龍氣相類而必投機無心而自合伏惟臺下
塵迹天行今人古意學綜百代多識乎往行前言
文祖六經力放乎淫辭邪說程才乃士之領袖得
郡維國之股肱方天怒而民窮誠世衰而道閉寃
人怨鬼豈惟昭雪於廷堅邪耦濁曹行見澄清於
孟博翻翻兮若泰華之蓮方茂燁燁乎如扶桑之
日初升而猶博訪幽人亦且不遺下士使來圭竇

驚鳥雀以翔雲書發瑤函狀蓬蒿而絢采竊光輝
之未照已遂徜徉沐睠顧之榮施彌深踴躍裁短
書而難盡佩高誼於無窮

答徐中丞送扇

伏承珠韜下賁紈扇遙頒解慍來熏寒借冰壺之
玉披襟稱快清分柏府之霜素質屏乎游塵德侔
君子微風盪乎暄濁力敵化工庶置懷袖以揚仁
聊裁竿牘而酬誼

答歐邨鄆求文

鄙人某百端無所可錄一竅頗能自知生燕趙之
鄉而不失其木強椎魯居叔季之世而未陷於茅
靡風流如不聾不瞽而僅爲人亦何行何能而足
稱善臺下學門洪胄靈地傑人大雅文章承前賢
已正之體循良政事挽近日極敝之風擊劍探如
悉去而田畝衺服巧步咸化而絃歌乃推分於獲
嘉特用情於高邑搏扶播羊角直上不輕蒿下之
飛從若木海表初升肯顧榆間之景旣以其人可
與又謂所言足傳俾述太夫人茹蘖之操以爲通

起息家公文集 卷之二十四 五
家子稱觴之獻是母是子足播美於無窮惟孝惟
忠從騁詞而罔愧敢辭狂斐庶盡愚心

答朱光山

某學慚入道才謝康民自知碌碌庸庸惟解悠悠
泛泛一丘原舊宅不復計其歲年萬事有名流業
已忘其理亂臺下神明之裔王國之楨文章則力
振衰風政術則獨持峻采理人新野三年而草木
知春典劇浮光一日而山川改色螭駕駸駸焉始
騁龍光爍爍以初輝俯視不肖之陳人何望高賢
之賸客謬聞虛美特勤雅情遣使乎於汝南忽憶
曾爲司理仰公也於天北偶思舊作曹郎白髮朱
顏詎謂獲叨末契青雲丹壑寧期頓作新知所貽
取酒之金卽付當壚之玉一封言謝千里神馳

答祁念東

某居朝靡效愧稍釋于多年學道無成憂更深於
末路雖自知其頑闇頗向慕乎賢豪矧惟台臺近
在桑梓品流卓絕修綜精純衡士則美播譽髦籌
邊則功成敵愾褰帷仗鉞且晚爲期拖玉腰金雲

霄直上而猶垂情澗壑遣訊丘園引冥氣類之申
俾在神交之列遠承清賜輒付酒家某不勝佩感
之至

答宋定州

某迂疎非用世之才褊急無適時之韻昔違夔伏
偶入鵷行卽當塗皆肯優容未必得其實用乃權
貴亟爲擠遠寧知與以虛名揣已何能捫心自愧
台臺紹休聖矩著譽儒林坐奏綠琴芮邑之遺思
正切飛來皂蓋博陵之美政方新下里潛踪隻字
未通於郡閣高賢用意雙魚輒至於林閭已沐雅
情更勤清況誠莫知其得此夫何日而忘之聊
托短書稍捺微悃

答劉靜臺

今天下信飛蓬之虛聞舍佩茝之姱修亦或別有
階梯大抵各分門戶不然者卽猷如周召終當畢
於草茅況行若繇夷祇自成其枯槁此明公所以
挺凌雲之幹而爲蟠木所先躬翹楚之材而使積
薪居上者也不肖力與春蠶荏弱身同秋籜影零

緇衣之好徒深秣馬之誠莫効乃渥愛有加無已
使愚心抱愧曷容幽谷相求仰見古人之誼靜言
自念莫酬知己之情

入學答孫內丘

不肖久見棄於明朝幸受知於大雅時勤特注數
訊孤居至乃黃吻之兒偶作青衿之子亦煩命使
猥沐豐儀達若淵明猶繫情於文術賢如孺仲且
興羨於功曹不肖何人敢云非喜但不足以稱賀
矧乃出於尊明感道義之深情名言莫罄沐家庭
之光寵永載無忘

答周太府

夫辯工白馬度關之稅莫逃光著碧雞持節之招
奚益故為士必期於適世而乘時乃可以建功方
今在位者幾若無民食人者忘其所事薦舉輕於
工之勒器選授比於客之探丸緊惟二千石之良
可寄億萬民之命臺下文成丹穴神毓渥洼人地
難攀持敬恭於梓里天衢早陟飛譽望於槐司執
法之平在漢室真同定國惟刑之恤入舜都再覩

廷堅天實哀此溝壑之民帝乃念其股肱之郡仁
流踐草俄回大陸之春清絕織蒲但飲滹沱之水
某學慚聞道仕善忤時治亂不聞每羨黃虞之治
安危無預恒憂黔庶之危幸吾郡之太平賴仁人
之爲政夫何朱幡甫駐而輒碧澗是求問以瑤華
投之金錯感深好我欲報莫能攬白雲誼切同心
相貽祇是奉芳草願言良厚伏俟德音

答李武安

不肖之與台臺梓里聲聞擊柝俱爲趙郡之人花
封望在伐柯尚是平原之域素習承家之世德今
聞試宰之賢聲豈惟葵不妄餐亦且木非空飲才
無待言矣守乃至是耶遙想丰神果何面貌忽瑤
函之飛墜問碧澗之沉淪情意勤倦文章雅秀更
損清人之俸以爲酒客之資世上作閒人公何所
用林中勤物色余豈能忘擲管十行據梧三歎

答喬南宮

伏以大賢爲政餘潤及於隣封高雅用情美流達
於在野政旣爲百城首情豈與萬人同恭惟臺下

走思毅公文集卷之二十四
九
生誕堯舜之鄉學契周孔之道蒹葭早滯讀書如甯越之勤民社誕膺律已等胡威之潔鱗魚遂長豺虎潛踪鄙人不今不古久有棄於此時人若癡若狂乃見知於大君子特勤膚使遠致良書愛至望深詠天桃於逐婦誤聞侈獎混驟耳爲駑駘喚客開筵共感雲天之誼呼兒覓紙略陳草澤之私

答路奕菴封君

某不佞奉芝宇於賢關夙深鳧藻散萍踪於宦海久缺鴻書十載爲郎而七年移病朱顏去國而白首棲山用遠迹於朋遊非有心於菲薄臺下學該竹素行可羽儀佐郡牧州則漢家之奉法循理辭榮知止則大雅之明哲保身龍有種以乘雲鳳生雛而瑞世萃百祥介萬壽真同食蔗之甘游三徑對一尊尚憶斷金之好分酒錢於竹杖損俸入於琴堂良書與珠玉爭輝高義共烟雲比峻心藏無數永矢弗諼願保黃髮之期永結青松之信

答韓念劬求文

章好示俗王人所以用權述往詔來君子于焉摘

藻事皆禪於名教、志無間於顯微、伏惟臺下粹質
溫仁、英資明叡、而昂昂乎負凌雲之氣、且懇懇乎
抱貫日之心、愛出長文、牧伯之湛恩、永爲尸祝、質
兼有武、兵曹之奇畫、允賴折衝、爰晉陟於天曹、將
不熙乎帝載、而鼠腸、駛舌之相、鮒入鯢居之人、自
北都、麾之南都、滯淫已甚、繇內地試之邊地、駭歷
滋深、威懼黃毛、無敢彎弓、而向惠流黔首、盡皆高
枕而眠、昭受褒封、追崇顯祖、乃念貽謀之自將、爲
述德之篇、循省非才、謬承大委、惟忠惟孝、足播美
於無窮、是祖是孫、從騁詞、而罔愧、隨世人之烜赫
誥、錫五花、慕古哲之光榮、語垂萬葉、旣贊賢以輔
志、尤附驥以成名、敢辭狂斐、庶盡愚心

生孫答周無極

不肖六旬、而始舉長孫、幸祖德之有繼、廿載而猶
增一口、知天意之未忘、夙承雅愛之深、宜動台顏
之喜、呼豚呼犬、業已足以爲歡、日鳳日麟、焉能當
夫溢獎、更分清俸、猥沐豐儀、愧湯餅之未供、感瓊
瑤之莫報、聊爲尺素、祇有寸心

答劉靜臺送天花

遙傳雲翰忽墜天花秀色光瑩應入仙人之饌妙
香馥郁原來大士之家慣嚼生葱旋激流而取潔
細淘小米急漑釜以嘗新宜對趙園之水花肯佐
郭宅之醋酒足哉一品且也兼金德沁心脾感同
嫡庶書以暢意語不宣心

答陳晉明

伏惟台臺靈越清英重華神胄學該典籍文擅珪
璋撫凋瘵之民油然甘雨承澨淒之後凜若明霜
允趙郡之陽春誠范公之僚友鄙人何德君子見
知獎飾賁妍似誤聽衰殘之貌問遺隆厚忽已充
羞澁之囊豈以鍛翮栖林猶勝鳶鷂之族而曝顯
潛渚自姝蛙黷之儔哉極知道謝前良益見公非
俗吏有懷必報未審何時略布愚心伏惟台鑒

答徐侍御

某生不學之鄉偶曾鼓篋稟爲農之分忝竊簪紳
若水涉岡知其津如夜行不前其手獨憑已見致
忤時賢徒顛躓以何裨竟佞倡而倏返離舍香之

歲星辰運復者餘九焉計食粟之年甲子環周者
更四矣朝朝晏起管寧何止遭風日日閒行王惠
不辭冒雨已其作百年散客乃受知一代豪賢昔
移書駁乎永城至弘獎躋於吉水資材之陋誠不
免於自慚雕飾之妍夫何能以無感雖道貌徒勤
憶想而精神實默往來茲繡衣持斧而行江干忽
細素裁書而來涉上喟喟嘆其薜荔拳拳望以雲
霄豈惟性執才迂難合宦機之枘鑿亦且形衰面
醜莫追英袞之風流家近長安聞奕碁勝負已見
人情音叨末位經夢境悲歡頗諳世事平生有幸
獨爲鮑叔所深知末路難持願法武公而自警天
南地北觀白日之長懸萬載千秋誓丹心之不泯

答路天衢

側聞門下生繇維嶽學本過庭意氣存燕趙之風
精理繼周程之脉爲文依大雅之度從政著循良
之聲試宰萊蕪若魯人見南子移官渤海如河內
得冠恂榮聽遐馳鳳之儀而麟之集膚功未艾川
之至而日之升而某也白首爲郎未見知於聖主

起忠齋公文集卷之二十四
三
丹心爲國、倘不悅於賢臣、萎非無入園之期、考槃
有在澗之樂、門下念其朝家敝履、兼以尊甫遺簪、
損書幣於山中、訪烟蘿於物外、此之用意、夫豈俗
情、叨在神交、幸哉不忘、存舊何當晤語、衰也猶可
論文、握管情長、瞻雲望切、

答游兵憲

某栖隱多年、長安事似前生事、謀身念切、閭里人
皆一體、人水旱不已、而時有蝗蟲、凍餓難堪、而更
遭豺虎、晷寃者非少、茹苦者無窮、台臺文克躬行、
愛繇學道、爰自政成百里、已知器裕三公、恬志辭
隆、清曹養重、統師資薄、違之畫典、禮肅教敬之儀、
輿推宜晉京卿、臬事獨先畿輔、恒郡屬門屏之地、
井陘維管鑰之司、節凜明霜、百吏悉奉公守法、恩
流湛露、萬民皆樂業安生、遂使林野之人、如在義
皇之止、卽此已爲厚幸、何當猥被恩私、問以瑤函、
贈之金錯衣、荷冠竹、不敢伏謁、而造庭、濡墨含毫、
聊用跪陳於敷衽、

答梁敬宇送魚藕酒

僕材本散樗世同萎非早受知於英袞義忝通家
既締好於大藩情聯親戚蔦蘿松栢允愜比德之
私竹賁韜鈴雅慕象賢之美而隱矣入堪巖內又
儼然在縑絰中愧先施之未能乃高誼之不鄙申
繾綣之蘭契發瓏璫之玉聲飲以聖之比清饋以
我之所欲佐之蓮藕更寄深衷感實切於骨肌情
彌親於肺腑景行心往書短情長

答李景蒲求文

某行能譎薄間學迂疎久見棄於清時敢曰非之
不顧每受知於賢哲誠爲得之何從臺下德挺性
生道傳家學若渥注之龍種步躡長風如鍾嶽之
玉榮光連白日猶且採虛浮之譽因而問幽仄之
人愚以爲賢遂得廁名於末契狂而若斐更令述
德於先公崇朝夙構之才自慚非所敢望萬代千
秋之事亦欲盡其微長感德意深裁書神往

答陳二府

某鄙上之樸士也樗散非材瓠堅寡用長鳴無望
於伯樂市隱竊比于君平臺下海內瑰儒朝家碩

走忠毅公文集卷之二十四
三
俊爰以股肱之郡藉此戴翼之猷威鳳集恒山谷
久咨嗟而室家歌舞福星明滹水時方亢旱而霖
雨滂沱野人得適於煙霞病子未通其名姓而膚
使已尋委巷榮施遂至衡門獎藉逾涯聽聞太誤
昔陳公未入解先求徐穉之間龐師甫下車卽訪
任棠之舍明公實用古人之意賤子何有前哲之
風感愧俱深佩服無斃探懷言謝吮墨神馳

答楊羅山

夫對門不通世俗之恒事傾蓋如故前哲之美談
至乃面目未知聽浮名而景慕况乎朝家舊棄信
獨見而神交則惟明公哉無復他人矣伏惟明公
誕多文學之鄉博綜典雅居近聖人之地妙契道
真早通籍於金門試垂紳於花縣尊節與朗山競
峻練情其淮水同清愷澤千家循名萬禩行且據
昊蒼而俯視孰能顧林藪而幽尋書發瑤函賁若
龍雲之彩意存碧澗藹乎鳧藻之惊追憶劉公曾
忝得人爾乎之許近緣李叟幸爲有自來矣之親
深慚碌碌之庸人適見謙謙之君子惠隆惟德輒

起忠毅公文集卷之二十四
登受而不辭感切繇衷匪名言之可悉

答袁趙州

夫漢陽仲達首咨處士之廬吳郡元琳惟篤冠軍
之好誠大雅之規模自別亦英賢之氣類相符伏
惟臺下台斗凝精龍門挺秀博綜典籍不遺蟲篆
螺書煥發文詞共覩龍鱗鳳羽宰陽城之百里爲
閩越之一人直若朱繩清如白璧化流愷悌漁郎
舍乎鯤鮪道格神明海婦歛其風雨詎知吾郡得
藉福星水旱爲灾公私告匱姦盜橫劫法紀陵夷
天念國之股肱郡得民之父母乃下車之未幾遂
走使以來思書發朱韜駭雲霞而增麗幣過錦束
慚薜荔以難勝少不如人白髮更逢知己仕甘見
棄青山翻遇賞音戴德何堪藏心罔沫敢謂東臯
自足願言北面伏膺

答蔡肖春

某半生無所可取一竅稍能自知道未通方以偏
強而竊譽才真拙宦用椎魯而全身門下生如鯉
也之趨庭學似參乎之聞道製錦略呈餘巧鳴琴

必有好音而博訪律魁因不遺其疑似潛求聲氣
遂亦及于隱淪信儕輩之傳聞稱揚逾分從夢魂
之來往披覩何時敬受美人之貽能忘永好之報

答徐嘉善

某頑暗本於性生椎魯繇於土俗才不足以爲惡
智不足以文姦遂致當今之君子以爲末世之可
人三吳尤富賢豪一旦皆成知己昔以迂僻有類
猖狂當路方得請而弄雷霆諸君皆棄官而撩虎
豹慚如醜婦以見逐翻爲嬈嬈之姿愧本庸醫略
施方卽致訕詔之怒不肖誠宜禁錮羣賢亦有何
辜臺下得雨神龍乘風威鳳升天衢而鼓翼猶下
訪乎隱居與古哲以爭馳尚不遺乎今世南方知
已訝久廢而彌新北地荒倉幸善緣之非偶誓堅
蚪操仰答龍光

答韓念劬

伏念台臺秉鉞建牙匪朝伊夕維地柱天之烈用
以爲名櫛風沐雨之勞于焉是報某瓠堅無用材
散獲全當此赤日燒空而惟清泉洗耳莊周偃息

走足齋公文集 卷之二十四
翩翩爲戲蝶、馬援馳驅跼跼、落飛鳶、咎窳而望軒
車、倅愚而希鼎鉉、雖台臺之屬意、豈林藪之能堪
所惠沽酒之錢、足供避暑之飲、謹謝

答穆侍御

伏惟台臺乃名侍御、下走一老郎官、勢隔雲泥、道
阻炎雪、何期推獲嘉之厚誼、遂至念高邑之陳人
鴻書、遠問於山中、徑蒿共駭、豸繡親來於林下、門
雀俱驚、茲復命使廣西、懷人冀北、分之清俸、用爲
酒錢、高情上屬天雲、雅道夔超塵俗、裁八行之尺
素寄萬良之寸丹

答王元氏

某椎魯無文、瓠堅寡用、術疎逢世、自甘麋鹿之羣
志切憂時、已作鄉鄰之鬪、淵明安於松菊、仲蔚樂
其蓬蒿、伏惟臺下玉潤金聲、霜明月湛、隨車甘雨
適當枯旱之時、有脚陽春、頓起顛連之色、蔽邑伐
柯在望、擊柝相聞、竊日月之末光、被江海之餘潤、
野人懷惠、衷忱脉脉、而未通明府隆謙、書幣煌煌
而已、及恒山之雲霞、接近古本、同鄉泝水之蘆荻

走忠義公文集卷之二十四
連延今非異土情何敢外德莫能勝謹頓首以登
嘉敬擇言而布謝

答李景蒲

某道與時違年隨人老亦何能而何行惟不怨而
不尤臺下秀毓龍淵文成鳳穴奉法循理誠媿美
於西京敷言試功已升聞於北闕而乃過採虛浮
之譽偶聞阿好之言命才子於中林貽良書於表
薄虞卿未見窮愁得白璧之遺楊子非倫問字有
青雲之士短書暢意高仰馳神

答喬垣曲

側聞臺下學勤距躍行飾奔車肫肫存赤子之心
凜凜懷恭人之志中丘梓里望沛水於衣帶之間
垣曲花封屬平原於星躔之內稔知新政必有嘉
名如不肖方枘而違時乃明公升階而折節損君
卿之筆札助陶令之酒錢言念高情願効忠告敷
政則詩稱愷悌垂聲則漢著循良某不勝馳仰之
至

答周藁城

伏惟台臺以公輔之才試於作宰用古賢之意行於當年單父之池魚子咸得遂長灌壇之郭神女不敢徑行某下邑陳人清時棄物鍛羽易擊曾遭英俊之拳寒灰不然自取貴游之咤世態已如此矣台臺詎不聞焉緘書尋野徑韻動白雲飛俸及山家情欣玄鶴如公真非俗吏媿我未稱高懷已銘德於寸丹聊抒誠於毫素

答劉靜臺

某不肖久見棄於時流獨受知於大雅雖邊疆遼邈音不絕乎雁書卽几閣劬勤情每深於鳧藻南雲樹儼臨筮仕之鄉鄙上園亭注念沉醢之地遙分清俸爲我酒錢嘯傲煙霞甘作野人也回翔郡國其若大才何三復良書有懷嘉晤

答鄭贊皇

伏惟臺下八閩士望一代人英學探幽玄匪藉鳴雞之助文成典雅當繇夢鳥之符典二邑以栽花愷悌懷深於蔀屋及三年而製錦循良績達於楓宸客居鸚鵡之螺共欣靜謐珠在驪龍之頰咸頌

走忠毅公文集卷之二十四
廉清祇緣隻立違時是以孤踪寡援言偃之學道
莫究厥施冉求之爲邦益小其用然僻壤遐陬之
衆庶得觀盛德威儀而窮臯絕巘之陳人與被高
賢風問荷禰竹履曾姓名之未通翠壁明珩忽翰
况之猥及在明公誠至隆至厚乃賤子則何行何
能吮墨十行臨牋三歎

答蘇元氏

不肖識愧虛員忝弓招而早躋情便石隱甘馬矢
以長閒東漢黨人咸稱禁錮南華狂客自謂逍遙
睡引繙書知古昔有羲皇虞夏含愁閱世願仕人
皆卓魯龔黃何幸隣封忽來上哲多識畜德若大
河千七百水綿亘黃維尊節式高如松嶽三十六
峯支持紫極牛刀試割節奏合於桑林龍燭揚光
文明生於昧谷大度恒多謬聽冲襟每切兼收肆
以芻蕘之人特勤書幣之問嗟茲澆俗有覲面而
燕秦倚我同心雖離居而骨肉士風甚垢惟注視
夫澄清民命方危獨翹誠於拊拔一札定千秋之
約數行含萬古之情

答萬饒陽

跼伏窮臯竊聆嘉譽褻躬遵聖賢之訓非以明汚
厚下出父母之心豈云市德固知非俗吏也思欲
爲執鞭焉忽接芳書如親玉貌爲文大雅視後生
小技皆棘刺之母猴用意高明覺塵世浮榮乃蘭
茗之翠羽已被恩波之潤白石徜徉更承獎藉之
深丹青突兀清人分俸特尋碧柳之門野客裁書
幾入鳴琴之室千秋嘉話一片有心

答歐冀州

伏以仁賢典郡隣壤沐其恩波大雅用情野人勤
其拙接冀州古之都會嘉賴鴻猷恒嶽國之股肱
僉推重譽某心甘隄仄望絕飛鸞用是姓名莫通
豈其臯澤自放忽枉瑤函之璀璨更煩文篚之璘
璊感德良深撫躬有愧賢非程子敢當束帛之貽
義謝延陵猥辱紵衣之贈謹效古人之返璧伏惟
尊者之鑒原

答孫中軍

僕瓠瓜久繫樗櫟獲全天運再周餘二年而不復

卦氣已備亦重數而未衰何足道哉祇自愧耳猥承雅念枉沐豐儀紅藥翻顏看取狂夫之醉綵箋作字難酬知己之情

答楊邳南侍御

鄙人麋鹿之性芻蕘之資出山旣昧夫時宜當路偶懵於智慮非所用而市軒冕之德故令蚊負成辜不必嗔而弄雷霆之威徒使鼓妖竊譽已傷濕而擊鼓真懲羹而吹虀台臺誕毓元精道符左曆觥冠立朝則儉壬奪氣驄馬行縣而萬姓無冤惟茲通國之蝸蟻正藉大賢之柱礎而物色及於放士屬望加於陳人老醜憶當年豈宜金紫庸虛逢此日冀免磷緇願從明公他日赤松之遊略抒賤子此時丹石之信

答朱光山

伏惟臺下學該典術才冠人倫試宰專城播名中土視天下宜無許可乃鄙人得附神交少不如人矧已老何堪驅策仕曾無效豈歸休更望賜環英袞匡時草茅引分且蔡翰林之道氣馮光祿之清

走忠義公文集卷之二十四
標弘寶升朝猶皆棄置積薪在下寧復甄收荷雅
意之勤倦屢問訊乎二桐五桺愧憐才之過甚欲
吹噓於九棘三槐言念舊遊有懷新好

答劉贊皇

某早歲隳官猶有慨慷之志多年避世不勝遙蕩
之懷社稷蒼生謀敢侵乎英袞正人君子好自切
于緇衣是以賢父母至於隣封卽以賤姓名通於
上與記天符之合何爲軒冕何爲草萊氣類之求豈
在海隅豈在几席忽來芳翰良愜幽襟愛至望深
欲康瓠升於東序獎踰詞溢俛媢毋混於西施愧
莫加焉感斯極矣惟是豐儀盈厥篚詎薛荔之能
堪兼以損俸佐當壚忽尊罍之日富清人之物紛
紛皆有馨香知己之貽種種悉宜佩服感何可量
言莫能宣

答薛制臺

某揣已甚孱非惟息干時之念行年駸億亦且無
歎世之情第不安分於凡庸繇來繫心於俊傑雲
泥雖隔聲氣自通台臺宇宙特生古今有數六星

之內精毓於貴相台司十日之中道宜於食時平
且石渠金馬詞華占公輔之猷青瑣黃扉疏草得
諫官之體迨維藩而克臬益懋德而不功聖賢至
公常人以為方格天人無欲塵世謂之廉貞京師
倚於薊遼視漢之扶風不啻重也制府兼乎安攘
方周之分陝厥惟艱哉自秉軸得賢而覆盂永賴
虜無牧馬吏鮮如狼澗戶之賓寤寐歌而已疾衡
門之客栖遲樂而忘饑戴德已深景行彌切忽命
材官而尋野徑遙分清俸以助村沽卽以告之草
堂靈此非他貴人比因而贊之高陽社是從大君
子來蘿薜俱欣墨毫難盡

答趙任縣

伏惟台臺天成純粹志法聖賢學無間於漏商蟲
篆螺書探鴻濛而朗徹文每成於俄頃龍鱗鳳羽
連白日以爭輝試宰小城勤宣明德靜如單父下
自諭於誠心神若灌壇衆皆懷其愷澤爰以愛人
之念溢爲逋客之思裁書特訪蓬蒿損俸令沽竹
葉伯益神明之胄未敢攀援平原客子之家實爲

走近猥承雅意謹用銘心

答牛河間

其父舊高邑

伏惟台臺才猷天挺學本家傳初分固節之符國
家門戶再治瀛洲之賦京邑股肱在仕人皆稱錯
節盤根乃明府有若輕車熟路聲名第一治行無
雙涕水之濱注念先公舊邑滹沱之汭言尋林野
陳人蕙世講之深情嬋連甚厚信時流之浮譽獎
飾難勝榮施敢不登嘉罪廢曷能仰報謹刻銘於
五內聊抒悃於十行

答宋蘄州

某不肖昔以鄙上之豎儒叨爲天中之小吏行年
過甲子自慚少不如人何堪晚暮去郡積春秋追
憶仕無善狀豈有遺思臺下鍾間氣以挺生繼先
賢而特起再任專城之寄原非百里之才時方暴
纒寢關賴仁人而爲性命衆盡波流茅靡得君子
而正乾坤夫奚取於山澤耀亦何異於牛馬走意
者聞其不貪不猛而遂忘其無行無能引置氣類
之中俾在神交之末貽書巖畔損惠壚頭野人未

趙忠毅公文集卷之二十四
三
敢先施知已何須舊識請預定千秋之約何當爲十日之談

答王曲周

某燕居獨念蠖伏閒思書史之所傳聞邇遐之所覩記神聖匪攸易得賢豪實則有人如龍鳳殊姿俱屬靈奇之品球琳異采咸稱瑰異之珍若細子之無能何高賓之敢望臺下生鍾正氣學紹真傳文章濯出於錦江道德夢遊於石紐用緒餘以作宰流惠澤於鄰封發廩活人魃女莫能肆虐築隄行水天吳不敢橫流治冠百城名高三輔而乃謬聽飛蓬之聞垂收卧石之人綵筆爲之題書朱提令其取酒在明公意同古哲豈望報哉乃不肖身廢清朝何能爲也感深次骨情托濡毫

答趙戶部

夫鍾乾坤之正氣蘊道德之剛精進不愧人臣退可稱男子徧觀今世無若明台某曾爲汝郡之末僚頗識彼中之君子俱頌典城之美永懷尸祝之思鱗被恩慈遇漁人而得釋鷓聞法禁逢鳩鳥以

起思齋公文集卷之二十四
相客宜司直於天門僅持籌於地戶蝸蟾厲響鸞
鳳藏形詎期明台司計之區又是不肖舊遊之地
機緣妙合氣類玄符夙知眷注之深果辱記存之
遠其品真則聲音自別爲情篤故言意無窮曾經
此地之貧忍當厚况尚憶斯曹之簡殊有餘清薄
劣自慚業已甘於廢棄賢豪人偶何敢怠其操修
願結新知略申積愆

答王撫寧

某行乖聖矩識昧時宜榮去情閒幸免脫營之疾
世衰道廢能無荒飽之譏門下玉潤金聲霜明月
湛經國夙懷夫籌策與城聊出其緒餘接京輦之
清塵士民愷樂近島夷之舊俗姦宄深藏循良三
輔無雙治行百城寡二乃信虛浮之延譽更憑親
昵之先談走使窮臯飛書遠岫聞少年之狂妄猶
厚望以青雲昧今日之迂愚已忘情於丹紱古人
之意不謂見於今時高雅之情詎能堪於薄劣寸
心永篆尺素難宣

答許曲陽求文

某身安舊里業服先疇祈福澤於天京使東作西成有望願哀憐於官府俾南鄰北舍無虞而咎氣難除仁風罕布天人共虐遠邇俱騷台臺稟大儀之中和紹前哲之矩矱黃金糞土夫何意於稱貞黎庶嬰孩豈曰但爲若保三年奏最百里升平用仰被乎國恩以光昭乎先德臣子之願愜矣士民之情歡然美政若明公宜入循良之傳微才如不肖安能史記之文緣見屬於知交遂畧摭其仰止愧揄揚未能萬一承獎藉逾溢尋常上爲上而下爲下匪求厚下下不擾便是深仁實自實而名自名豈患無名名愈高卽成大害此身親閱歷何足謂之能言惟惻怛繇衷是以聞而獨契紫氣近瞻乎玄岳丹誠稍抒於緇毫

答鄭許州求文

明公神靈藉幹海嶽凝情襁褓於節義之懷非繇聞見嬉遊於文章之府夙著聲名來牧中州力行大道吏惟講於金科玉律而篤守儒書俗方飾夫香界琳宮而勤思教化觀於膠庠之左乃有廖朗

之區閣以尊經亭曰品士堂壇未改號舍猶存棟
宇摧殘垣墉頓擗爰毅然而修葺遂煥乎其改觀
創者夫豈常人實國朝之大老新之又其同里乃
海內之崇英自宜紀載於靈陶何意見屬於朽質
貪茲勝事極欲附其姓名懷我高賢不能藏其狂
斐卽揮玉管先報蘭言

答王新樂

某行能最爲驚下年歲復已衰遲甘自棄於明時
謬蒙知於大雅向者老父母下車伊始命使遠臨
問以良書加之腆惠方感激而未沫猶記憶之不
忘老嫗過六旬餘更妍之以雕飾逐臣越廿載外
欲賁之以弓旌再損俸錢爲供杯酌閒身無用愧
報德之何時俠骨猶存矢翹誠以罔斃匆匆布意
脉脉馳神

答路銓部

伏惟台臺鍾造化之靈秀生而賢豪得陰陽之和
平衆曰君子英瓊爲佩而柄之以謙冲藻蒞其文
而根之乎篤實肆分符於小邑詢方軌於前良智

以養恬、僅轉司農之筵、溫能發譽、旋躋主爵之班、
博雀燕之重輕、靡差毫末、際鴻鳧於廖廓、如在目
前、當此危時、允資碩彥、某早違鷺序、未結契於青
雲、夙荷鴻私、屢貽書於碧澗、雲泥益遠、膠漆彌堅、
當斯世而見古人之情、念何修而辱英賢之重陳、
詞難罄、投筆長歎、至乃望以彈冠、禿翁自笑、卽欲
令之解薛醜態、云何、佇觀射隼之功用、緩瞻烏之
念

答周太府

某早年紆組、固有補於生民、中歲垂綸、日惟瞻
當路、必鄉鄰無鬪、高枕乃寧、若鷄犬皆驚、獨居節
樂、伏惟台臺雅材、中足稱大雅、人品內允、爲仁人
司計、疆方已見三軍之挾纊、分符畿輔、正當百姓
之寢、關白日遙、其章光玄、造收其膏、雨勤劬不倦、
克貽鴻鴈之安、告誡惟虔、竟致商羊之舞、心力俱
盡、食沐不遑、猶念及廢棄之人、而加以殊常之禮、
表厥宅里、慚獎飾之太妍、惠以多儀、知含情之已
久、昔漢陽仲達、首咨處士之廬、吳郡元琳、惟篤冠

走足教公文集卷之二十四
軍之好在尊明用意誠足比於古賢乃賤子捫心
豈能堪乎高誼感無窮而爲感言不盡而有言

答王葱岳求文

某久伏林阜不關世事閉心息慮塞耳無聞偶友
人試宰名區向賤子傳稱重德義薄雲天誠貫金
石與邑遂鯁鱗之性尸祝無窮持衡定雀燕之平
統均有賴至語太翁之穆行允爲季世之古人性
成於胎教之端貞學茂於母儀之嚴肅道關羣聖
體被衆芳舒文挾藻之英欣爲奮筆述德揚休之

牘業已滿車豈之荒滄更須冗製第以重華若舜
於盡往田之言一貫如曾括於居侍之旨故略陳
其孝行而不載其多端庶以輔志于讚賢因之施
名于附驥知大孝必爲介念在不肖豈足居勞非
惟四溟聲氣之投皆如舊識亦且一代賢豪之紀
本屬閒居乃至令君通德之題實出邑里秉彝之
好亦煩齒頰彌見衷情誠仰歎以終朝聊陳詞於
片楮

答李純臺

不肖渥被龍光深藏鼉腹情殷稽呂旣命駕之未能仰切孔遠又使人之鮮至忽承蘭訊猥及竹扉上有長思下云厚望蔽空蝗蝻已堪爲田野之憂聒耳蝟蟬何敢言巖廊之事敬承損惠略布衷私

答汝寧道李副使

夫同聲同氣恒千里而若比隣相應相求豈一時而能自外墮地卽爲知己交情何待先談伏惟台臺祚本神明生繇間氣難兄難弟匪惟翹出於楚材乃聖乃賢奚但蟬聯於科第縮綬而爲邑宰雞犬懷仁持籌而典邊儲貔貅增氣參藩關內旬宣之績弘多視學滇中陶化之功丕著再移古粵益闡文風忽勇退於中流久栖遲而遠跡鳳翔千仞世咸望其來儀鶴鳴九臯天已聞其逸響爰從楚岫特起宛州念不肖昔爲薄遊之鄉於大賢益切歸依之願而況我夢翁老公祖自爲太僕已貽書于麋鹿之羣及撫恒山尤刮目於賓氓之內驚心隣笛恨不覩夫清揚翹首雲鴻輒自通其素悃遠勤雅訊實有同心追憶鵲原視雲天頓爲黯淡遙

陳鳧藻、覺藤薜皆有光輝、托安石以蒼生夙有執
鞭之願、慕子搜於丹穴、已無束縑之思、契結千秋
情、宣一札

答只將軍

清林白月擬同野客、以開筵名酒、佳肴忽枉元戎
之惠、問令節何妨、華樂幽情、倍覺飛揚、玉壺挹丹
桂之香、碧落覩素娥之采

答高平陽

某仕無短長、已作清朝之逐客、隱有歲月長爲荒
野之間人、義在退藏迹、宜疎迹、惟是數從邑之茂
宰、時聞頌服、郡之仁君、遂自通其姓名、輒乃有所
關說、草木有臭味、豈曰未同、而言風雨感、魚龍竊
欲相求、以氣果蒙不鄙、謬數爲人聽、花徑之足音
使來、伯玉啓朱韜之手札、字重千金

答吳新河

伏惟臺下祚出神明代、爲望族博綜典雅、妙契道
真、早稱珪璧于三吳、小試經綸于百里、用古賢之
文學而陶化邑、徧絃歌承先世之讓、玉以率先俗

還禮義尊節與恒山競峻洪慈共滹水滂流祝頌
千家循良萬禩行且踈蒼昊而俯視孰能顧林藪
而幽尋書發瑤函賁若龍雲之彩意存碧澗藹乎
鳧藻之情昔曾交太史公妄扳臭味尚未識直指
使謬被吹噓幸爲鄰邑之子民實忝通家之世好
機緣非偶弦望有時旣若聞空谷之音復如聽鄰
家之笛惠隆惟德輒登受而不辭感切繇衷匪名
言之可悉

答薛

某款啓無聞迂疎寡用六旬甲子廿載山林而台
臺吳越瑰琦東南竹箭懷槩名高於藝苑鳴琴績
最於花封灌壇共號爲神明單父同稱其簡易辭
辭兮若泰華之蓮方茂燁燁乎如扶桑之日初升
而猶博訪幽人亦且不遺末品使來珪竇驚鳥雀
以翔雲書發瑤函映蓬蒿而絢采損萊蕪之俸祿
爲彭澤之酒錢在明公迥絕常情乃賤子何堪殊
遇裁短書而難盡佩高誼以無窮

送范趙州入覲

走忠齋公文集卷之二十四
三六
伏惟天開于子神生乎申當一陽來復之時正萬
國朝宗之日某夙叨渥愛幸際昌期豈云叔夜之
筋實以士安之骨願言百福莫遂稱觴翹望五雲
無能出餞爰馳一介以送寸誠幣在末將詞不盡
意伏惟鑒其慳款庶幾藉有寵光

元日答李武安

世棄君平獨見知於楊子人輕仲蔚惟賞識於劉
公下走愧古哲之芳明公隆昔賢之愛戴星勤簿
領枉瑤札於山人沽水作饗殮損俸錢於酒客茲
逢上節更沐高情特賁多儀用鋪春宴享豪華於
白屋豈羨弓旌結情好於青雲何須槐棘遙爲一
笑細作十行

元日答蕭總戎

某薄遊數載頗諳世故人情廢棄多年雅習雲山
烟水日高穩睡嫌簷雀之聲喧月好閒行聽山僧
之梵放俗云知福享福語曰求仁得仁親友多欲
其賜環台臺宜知其愛鼎卽今三陽並進萬類昭
蘇沛于漸可垂竿恒岫行將採秀差亦不惡未是

走思家公文集卷之二十四
三
常聞忽從飛將之壇來問步兵之舍遙分厚祿特
惠多金付卓氏之壚多沽竹葉作劉家之頌細玩
椒花如此豪華何必三公之位從教爛醉難忘萬
古之情

元日答梁衆甫

陰驕理極林中倏而冬殘斗轉星回天上果然春
至鄉俗隨人間世綠醕紅椒嬉戲看兒女曹綵花
爆竹感美人之眷注枉嘉况之駢蕃名酒美肴山
珍海錯百年春讌不妨齊整勝常時萬古風流自
笑疎狂如舊日戴國恩而罔報頌明德以無窮

元日答梁尚甫

伏以帝車發歲義轡行春天開地闢而生人小往
大來而成泰蟲魚胥奮草木咸知僕遠迹明朝付
蒼生於時貴甘心幽藪結素友於豪賢菜送青絲
入椒盤而饌玉酒浮綠蟻隨柏葉以生香沐嘉惠
之孔多嘉新筵之太媚蒲輪息念有青松白水吾
曹綵勝迎春願地久天長此日

元日答任獲鹿

走忠齋公文集卷之二十四
三
天開地闢而萬物資生陽長陰消而四時伊始驚
心易老隨俗成歡所幸英雄豪傑之儔共作燕趙
邢襄之福山村野曠雞犬無驚雲壑烟阜松蘿遂
長媿乏獻芹之敬猥承取酒之資何以報之惟既
醉而既飽不能忘也匪盡意而盡言

上元答李總戎

上元令節從古良宵角抵登高上國之嬉遊雖侈
落梅穠李中林之樂事無窮矧惠出於元戎俾興
增於勝會黃柑之黃若玉可漱餘醕火樹之火生
花恍疑不夜探懷占謝感德難勝

元日簫總戎

天開地闢而生人禹服之時伊始朔易寅賓而成
歲堯階之曆維新遲日動朱旗光生草木和風噓
紫塞恩被腥羶功已勒於鼎彝念靡忘乎丘壑睠
言嘉序特命材官惠以取酒之金用助嘗春之讌
情隆感深干肺腑望邳愧切於衷腸某也何知時
乎寡用滹沱水泮將釣鯉以爲餐大陸花開願調
蜂而造蜜看雲已屬下走捧日是將君侯稍布愚

心難述厚德

元日答胡二府

伏惟斗轉天旋共被何言之化律鳴谷暖實彰有
相之能正人並泰於三陽和氣尤偏於一郡自惟
朽質久沐仁風迹遠清嚴未獻自鋤之菜情隆匪
側特貽取酒之金當奢侈於盤餐用誇張乎尊賜
探懷佈欵伏筆馳神

元日答梁敬字

陰驕理極斗轉天回俄頃而萬象皆新無言而百
昌俱遂綠動長楊青垂細柳乃念雲林之小隱特
煩幕府之榮施胡麻分羽客之糧華錦奪天孫之
巧更兼珍品爲媚春筵感德難名栖山不厭勒十
行之雁字祝萬里之侯封

元日答梁函三

足下孝通神明德孚輿望肆天心之玉汝作皇室
之金吾受事方新開春伊始恒注情於丹壑更興
想於青陽緹騎飛來捧良書之斐亶玉盤驚至覩
德物之續紛我友非異人多儀可享百年當此日

起見家公文集卷之二十四
五
豪侈何妨極目五雲抒懷尺素

元日答牛館陶

伏惟台臺負阿衡之鼎宜陟三台蘊傅野之霖財
施百里古維趙郡東來渠弭之雲烟今則齊疆西
望鴻原之桑梓豈悌與下車而共布聲名隨擊柝
以相聞帝子天孫分茅而出雲車風馬動地而來
貂璫性不可調簪裏威尤難制而四民無擾百里
不驚過呂父之郊神靈息其風雨入劉公之境猛
虎收其爪牙繇玄符之運莫窺寶福曜之臨自別

茲者青春春有信來依昨歲之期白日更新出表今
年之節羣生俱覺一邑尤欣而乃憶當日之酒徒
念此時之逋客裁書以問割俸相遺藹然伐木之
情展也食萍之誼卽買刁春而取醉聊因蘧使以
攄懷

又

伏聞賢聲籍籍美德洋洋當茲椒酌之時莫効菜
絲之獻而大况勤及深感可言惟是同爲趙郡之
人俱出高陽之社而以脚色手本朱印紅牋使我

走足齋公文集卷二十四
至
薜荔驚惶。雲霞愧赧。且三千其字。四六其文。乃使
懶散之人。作此費心之事。何時晤語。罰以深杯。定
不食言也。

元日答梁渚水

二儀訢暢。含氣者之所咸亨。萬類昭蘇。質仁者之
所共遂。領略還歸於吾黨。思情正切於同心。辱厚
念之。有加枉美。貽之太盛。五辛盤內。種種駢羅。栢
葉尊前。紛紛播疊。感年年而歲歲。有戀戀而依依。

元日答高振梧兵憲

時告病

恭諭臺下。清恙有瘳。雅懷甚適。大人勞筋苦骨。是
以勒功於鼎彝。仙客洗髓伐毛。乃能變化於雲霧。
已見天心默佑。更逢陽德方亨。冰雪盡而淮水流。
清風日和而楚山呈翠。卽稟氣含生之類。莫不應
候而熙怡。矧擎天捧日之人。自當乘時而騰達。其
拙宜世棄迂。與時違夢。絕朝班不聽雞人之唱。情
怡礪壑無必狗監之知。美人見憶。芳札相存。勸其
栢葉之尊。助其椒花之讌。清泉白石。愧無物以堪
酬。竹素花箋。紛有懷而莫罄。

元日答侯寧晉

伏惟玉署之仙暫分符於百里繩樞之客獲藉芘
於重雲氣類玄孚精神默接茲者虞廷考績冠裳
望北闕以趨朝軒曆更新斗柄指東陬而發歲仰
看鳧鳥忽落魚箋金榜表林閭直使丹青同價俸
金來竹杖長教綠蟻無虛奏最花卦佇俟瘦陶之
鳳詔敷言楓陛勿云泚水之魚竿

元日答牛館陶

伏惟惠政滂流若稱心之時雨賢聲洋溢如震耳
之春雷惟烹雞小試乎牛刀故栖棘暫呈夫鳳羽
茲者歲序周四時而更始草花悉待楮鞭諸侯當
三載而入朝旌節咸趨丹禁而多方遭旱魃難施
臧紇之仁羣盜起梁山欲繼宋江之業加之師旅
因之饑饉聖人特急於憂民敷奏以言明試以功
茂宰無庸於登對猶念山中新歲不忘林下舊交
分以俸金令之取酒張燈守歲聽鴉散之喧聲設
席嘗春醉蟻浮之臘味嘉節未爲不樂人生何必
居官願九列之旋登共千齡而永久

又

荒年免覲省書帕於京中除歲損書送酒錢于林
下真乃雪中之炭夫豈錦上之花匪止高情實存
雅道至于循良之囊穎允爲守令之塔尖何自信
之不深而疑心之太甚也

元日答梁潯水并在宥

歲序更新公侯復始吉祥多於君子喜氣溢於名
家念之爲慰勝於往年夙注高情載垂渥惠有肴
有酒咸美咸多

元日答周臨邑

米價如珠難過舊歲麥田得雪知是新年想臨邑
之仁風聽典城之嘉譽遠勤雅念爲侈春筵感激
良深歡欣非淺惘惘聊陳於副墨陶陶佇俟於徵
書

元日答梁函三

天心不改歲序更新聖酒杯浮看少年之滿眼神
州鼎沸驚時事之關心遠勤命使爲助稱觴身在
窮鄉坐致京師之異品位居草野忽如卿相之華

起思教公文集卷之二十四
筵何德何能不勝自愧此時此日聊以爲歡神馳
五色之香雲情寄十行之錦字

元日答侯寧晉

伏以陽德當天道已亨於君子仁心厚下澤先被
於野人藤薜昭蘇林巒生色恭惟老父母台臺誕
膺佐歷符兆昌辰龍光上燭三台鴻術暫施百里
歲無樂歲賴作霖而爲歲春不知春仰秉斗以成
春其素飽窮阜倫安盛世夫何行何能而逢賞識
幾仲蔚之劉公若有神有道而受深知愧君平之
楊子茲維上節特沐高情惠以取酒之金侈其頌
椒之讌蒲輪息念有青松白水吾曹綵勝熙春願
地久天長此日

元日答淳水等

蒼天有信青帝無私陽和又到由家景候還如昨
歲猥蒙垂念惠以多儀頓令生菜之盤遂有豪華
之氣僕杜門頤養病體清安捧瑤札以增歡想瓊
枝而馳仰

元日答梁敬宇等

四序平分三陽開泰人間皆謂新春林下共逢佳節猥承眷注特枉隆施細菜之盤何止香傳白玉芳椒之頌頓令色動柔翰

元日答周太府

伏惟仁人爲政惠澤及民和風忽動于三陽樂氣尤偏于一郡卽清時之萎韭生意還滋若丹壑之枯蒲恩光首被彩花金勝隨鄉俗以嬉遊栢酒膠飴感君侯之寵渥攬白雲而莫報思芳草以爲貽

元日答蘇遊戎

天開地闢邈人生於古初陽長陰消覩歲發於今日塵清燧息想幕中之受祉維新水臚山春聞麾下之騰歡倍甚遠勤注意特使緘書惠以取酒之金侈其頌椒之宴擬拊一醉用酬知己懃倦聊托十行畧布中心感激

午日答吳新河

林下閒人天中令節讀道書而一笑祭欲求官思楚夢以三歎俗傳競渡明府情深阱仄誼切同心正欲沽酒以陶情忽已貽書而損惠淥尊盡興木

教時序愁人白首狂歌爲感使君知己形畱神往
語短情長

午日答吳將軍

林下散人天中嘉節沐蘭芳以自潔佩綵縷以延年
猥辱隆情特勤大況聊爲豪舉永日筵開竹滿
園卽命酒人微風簾展荷浮水助百年之逸興知
已相存笑萬古之間愁獨醒何用

午日答吳新河

林泉雙袖手天地一畸人閱歷多年復當午日鄉

俗共稱嘉節明公特念幽居既若司成之送酒錢
更如諫議之供茶飲踏冰吸露分明塵世有神仙
嚼韻吞芳自笑野人非薄相匆匆布謝脉脉神馳

又

麥秋已過蒲節斯臻望急雲霓思深靈雨臺下蘇
民念切方支笏以瞻天存舊情殷更傾囊而餉客
卽當沽酒以寫我心謹謝

午日答祁遊戎等

林泉雙袖手天地一畸人閱歷百年復當午日葵

榴俱綻處寂寞之區而難勝媽潤松竹交加當炎
蒸之候而若挾冰霜已成仙客之流更厯賢豪之
念特承佳況爲助清筵

中秋答吳新河

普天月色原同照於京華娛景風流似更屬之林
數况有清人注念忽承膚使幽尋惠以取酒之資
用爲開筵之助走相如以滌器一坐冰壺呼太白
而飛觴共傾玉液

中秋答喬南宮

某不肖廢居草野密邇花封與沾穆穆之恩波快
覩輝輝之光氣白雲莫致丹悃徒勤茲值良宵更
蒙腆况呼童取酒清尊挹丹桂之香命侶開筵碧
落覲素娥之采心脾切感筆札難名

中秋答王遊戎

其

中秋之節不見於前朝明月之筵何輪乎元夕當

年典計津門之素彩連天此日偷閒嶽麓之清輝
滿地忽承知己之惠來自昔遊之鄉鮮食出大海
波厥珍維錯名酒釀清江水旣美且多擬華宴之

走思齋公文集 卷之二十四
豪奢感美人之篤厚筆札之情莫罄扁舟之意不
忘

中秋答祁遊戎

清霄氣爽白月光圓兒輩文場莫測上天之意人
間勝集且追朋好之歡荷幕府之高情成捲樞之
樂事美肴多品旨酒盈尊卽開宴於高樓手攀桂
樹還醉歌於清府魄浸冰壺戴德曷勝陳詞莫罄
中秋答聶揮使

今古良辰人天美夜望嫦娥之素質數玉兔之秋
毫漣水盈盈蟾輝皎皎酒錢見惠芟席難同當大
醉一狂歌聊短裁而肅譙

九日答任獲鹿

秋氣可悲而有重陽之節鄧林俱落而開賞菊之
筵故知愁者自愁非干造物樂者長樂無預他人
惟北沽酒無錢是乃人間太苦東籬兀坐北鴈高
飛忽聽剝啄之聲遂得璘玢之贖分來清俸特畀
山家呼童持瘦木瓢向市取茅柴酒沉酣露下笑
楚客之餐英屢舞風前從孟生之落帽感德豈惟

一飯酬言聊寄雙魚

九日答薛晉州

伏惟臺下發祥華嶽毓秀神臯從古聖賢之區當
今英俊之族學宗東魯淵源本自家庭文似兩京
體格得之風氣道足登乎三事材暫試於一州舉
世尚錢神獨厲飲水之節頻年遭魍女都無啜泣
之悲惠已浹於元元三年比及績允稱乎上上百
吏莫先某狂直自疎已作清時之粟稅浮虛見採
偶爲賢達之蒲苴曾燕賀之未伸乃鴻儀之勤及
蒿居仲蔚忽驚白鴈傳書菊逕淵明乍得清蚨沽
酒業已銘之五內聊復報以十行

九日答許中丞

平生知己簪紳多在乎江西此日屏居節鉞特臨
於河北白玉朱絲之節和風甘雨之仁嫺發共戴
蟲草咸熙乃復思側陋於中林錫光榮於表薄譽
下乘爲綠耳似誤聞游說之言詠逐婦以天桃何
足副慙慙之望更分清俸助我酒錢九日黃花同
感使君之德十行赤牘聊陳野客之情

九日答沈獲鹿

伏以大賢爲政餘潤及于隣封高雅用情美流達
于在野譽下乘爲綠耳似誤聞游說之言詠逐婦
以天桃何能副慙懃之意更分清俸特送山家正
孟嘉落帽之時乃陶令傍籬之際呼童沽酒喚客
開筵不負黃花能忘雲天之誼聊題赤牘略陳草
澤之私

生日答魏陽武見玄

草木之年春秋日積犬馬之齒甲子遂周學道而
白首無成立朝則蒼生罔賴蛙消禽戲幸非甚矣
之衰雲憇林游差足悠然之適生事如斯而已行
藏何足道哉門下愛切守茶情偏嗜歎書來玉鯉
秀華美映丹霞惠損英瓊高誼光連白日獎飾之
過直使此惟遠勝於戚施期望之殷欲令蒲柳爭
榮於松柏其之溢也猶云慙焉况稱已往之虛名
更望他時之特召愧無穴而可入業有壑以堪棲
門下茂嶽貴神鴻原淑氣人其魚鱉拯陽武以更
生田卒污萊闢永城若新造蛇舉首而方尺豹窺

管而見班當茲寢關曝纊之時正賴緯武經文之略事功何必繇我親戚豈其異人欲舉知己之觴再拜至人之祝

生日答張春谷

僕鄙上迂人恒陽狂士許身殊為太過忤時亦復甚深才拙性剛似陶淵明之陋筋駑肉緩類嵇叔夜之慵上樹千回頓成白首滋蘭九畹空抱丹石火電光中憶鳩車如昨日水聲山影裏忘鷺序若前生門下德繼相庭名高卿署方勤思乎鍾鼎之業乃注意於山澤之癯值茲賤辰遠勤膚使慶其未老祝以遐年赤子蒼生自屬朝中卿相青泉白石誰爭方外樵漁敬為公也以舉觴略對使乎而布悃

生日答范趙州

某鷺鷗之羣已熟犬馬之齒鬣衰道德無稱徒有高年合自笑聖明見棄怪來後輩每相輕乃羊棗有偏嗜之人而馬渤亦堪收之物臺下以為同聲同氣忘其不古不今念及初度之辰特隆下交之

節錫堂名以寄祝欲禔福而及其子孫頌飫賜以稱觴俾醉酒而飽乎仁義某也何當是祝豈勝斯觴仁人之言神明聞之必信君子之賜士類得之爲榮知己何必在多感恩豈能自己旣刻著於心曲聊布謝於毫端

生日答鄭冀州

伏惟臺下清若拔葵仁如行葦晝觀垆野則桑麻
幪幪綠連雲宵宿鄉亭則商漏泠泠清入夢蓋耳
聞目覩欣冀北之太平且承顏接詞決楚邦之君
子乃辱明公之謬聽已納不肖於神交傾蓋成歡
斷金結好念其初度問以豐儀蒲柳之姿祝延長
於金石匏瓜之性欲塵點乎廟堂感情至而望深
覺岱卑而溟淺何以酬知己惟如魯士之恭用等
効愚忠祇若閭丘之願探懷語短仰止神馳

生日答梁函三

鳩車竹馬纔覺須臾鶴骨雞皮頓成七十上比於
彭祖乃不更事之時下視夫顏淵則無聞知之日
二曜昭昭尚在丹心耿耿猶存草野閒人憐老牛

之穿鼻、鄉村醜婦羞、倡女之倚門、自知頗覺分明
來翰、殊爲溢美、篚以錦衣、之錦囊、以金吾之金茶
薜香、新果、肴味、儁取酒、卽從卓氏、開筵、便學石家
烽烟、隔鳳城、聊散懷、而當此際、兵氣纏烏闕、念知
已之在其間、無能報、以瓊瑤、竊欲貽夫佩玖

生日答王武強

鄙人餘二旬、而仕汝南、將六載、而旋冀北、頗自別
於貪人、酷吏、稍相安於賢士、大夫、錦繡之溪、夢寐
時聞石枕、珪璋之彥、往還、每叩荆扉、門下翼澤鳳

林文成龍、采名譽、高於月、且行誼、表於天、中試宰
常山、實鄰、敝邑、情深、踣履、訪切、遺簪、念韶景、于曩
時、想衰顏、於今日、野人初度、徒多草木之年、盛使
豐儀、忽動、薜蘿之色、爲鄰境、賓氓、湛露之濡、伊始
忝朋游、舊好、慶雲之庇、尤深、已感刻、於中心、惟願
崇夫明德

生日答任獲鹿

月兔日烏、倏逢初度、雲龍風虎、仰負清朝、方不勝
其自慙、亦何能以爲樂、猥承雅念、枉沐豐儀、君子

之心合於天地神明之心一人之祝勝於億兆萬人之祝自惟涼薄何以克堪敬舉霞觴肅裁竹素書與言而無盡感與愧以俱深

生日答梁太學

月兔日烏過甲子六旬之數雲龍風虎復貞先五百之期嬰年志學道德無聞弱冠升朝勲名奚豎托在親戚用友之誼受知兄弟叔姪之賢歲歲稱觴殷殷賜祝姿脆若桺未敢望乎大年材散如檮原足全其性命欲以滹沱作酒更將恒嶽爲杯一

取高醕用酬雅意

生日答薛阜平

某匏瓜之性無足錄於明朝樗櫟之材幸苟全于匠石年年一初度歲歲此閒身何足言哉祇自笑耳臺下學該典籍文擅珪璋謬信浮名旣垂問于下車之始特深注念復損書於揆度之辰賁以豐儀祝之多壽且老且賤舊交所棄也而更得乎新如何行何能時輩無取焉而見推于勝弘已銘心而刻骨謹敷衽以陳詞

生日答潘順德

不肖瓠堅罕用椎魯無長已見逐於明朝甘自棄
於幽藪伏遇大賢典郡幸爲鄰國子民台臺以爲
國家之遺簪京兆之敝履肝膽相映夢寐不疑自
念庸虛何堪英盼而况朱顏林下素領山中霖雨
有時賢不用關心分外煙霞原舊物豈須侈口名
高渴飲饑餐早眠晏起作人如此斗量車載未爲
多生日歷茲樵子菜傭孰不有何至勞台臺之記
憶忽而承芳訊之綢繆惠以取酒之金祝其不材
之壽出茲三物以詛每見公卿爲第一流所稱何
期草野旣自愧矣而復欲自驕祇能感焉而云胡
能報揮毫暢意吮墨馳神

生日答周太府

昔枉先施已求聲於空谷今逢初度更加賁於丘
園祝其犬馬之年應樂青泉白石耳望以夔龍之
業將爲赤子蒼生耶在下走揣分奚堪乃高明用
情太厚知深過聽愛渥神交懷瑤札於袖中不變
炎涼之節想玉顏於天上佇瞻弦望之期

生日答蕭將軍

某年年初度觀日月之不淹歲歲舊林喜松雲之
可卧君侯以朝家玉斗宇宙金楨締盟草澤之中
結契煙霞之表清俸寄爲取酒吉言祝以延齡名
碩交歡諒無嫌於野趣律魁見獎稍自信其姱情
已看功烈之崇外威內治更藉寵靈之厚地久天
長感切骨以無窮意抽毫而難盡

生日答梁尚甫

壽

百歲何其速六旬遂已過德非碩而稱耆耳未龔
而爲順承惠儀之太厚慚飲德以奚勝幸不鄙於
豪賢稍足夸於鄉里舉觴知感捉筆難名

生日答孫中軍

乾坤袖手爲世一載之間人日月弩絃成六旬餘
之老者每逢初度輒自軒渠不知暖壽起於何人
想亦親情藉以爲樂杜沐盛儀感與愧集方匆匆
於應接聊草草以裁書

生日答潘順德

某涉干迂腐鄙上荒儉結髮讀書竟莫窺夫聖簡

濯纓入仕曾無益於皇輿性拙而乏聊調若鼠不
容穴力綿而思匡濟如狐欲渡河三十升朝退居
蓋凡七載四旬違署廢棄又將廿年揣已虛庸都
無萎韭入園之望從八騰達頗少枯魚失水之悲
月兔日烏忽當初度雲龍風虎久負明時伏惟台
臺道協輔揀氣稟元精分竹專城乃漢室股肱之
郡伐柯在望實恒山脣齒之邦草木沾恩已徧于
茅簷蔀屋樵漁注念更及於幽藪窮臯旣以鄰封
之子民兼爲京兆之執友緣厚而彌致其厚因賢
而謬信其賢值茲遲暮之辰正屬賤貧之日寵之
瑤札燦雕金琢玉之詞賁以綉儀紛爍日舒霞之
采望深而欲其環召非曰能之愛至而祝以鶴齡
固所願也質微若柳豈同金石之堅貞材散如樗
每比松筠之悠久祝願出大賢之口感通符上帝
之心敬舉霞觴謹裁竹素書不盡而言不盡默曷
能藏天無窮而地無窮云胡可報伏惟照答倍有
瞻馳

生日答延慕竹

某山樗等質蒲柳同資德業無聞愧庚寅之以降
居諸不處忽甲子之云周昔從大夫既素餐於位
著今爲小隱遂袖手於乾坤臺下國之寶臣時之
隆棟方且丹青神化行將爨鼎朝家而締好岷巖
注情草澤乃揆予之初度特命使乎况臨惠以取
酒之金用爲稱觴之助大賢所祝必見聽於神明
溢美相稱祇自慚於老醜感既醉而既飽難盡意
而盡言

生日答梁三函

弱冠忝弓招紅顏棄軒冕數天邊之甲子已逾三
年經林下之春秋忽亦廿載屢逢初度長作閒人
寂寞君平久拚絕世疎狂蒙叟正憶知心望芳草
之相貽想瑤華之見贈過承腆惠實愧愚心君子
爲稱觴何必神丹聖石人生能適志底須華袞高
軒托一札以面談爲五雲之色笑

生日答吳新河

昨者鳴琴有暇飛鳥來過覩玉貌而雖新契蘭心
而若素名士高賢之品與衆懸殊忠臣孝子之門

起忠毅公文集卷之二十四
其人自別慨江陵舊事有懷頓若古今欣鄙上清
歡不意忽如夢寐茲當初度更拜良書視以引年
聊備朝家之耆宿冀其離隱原非野客之幽情望
之太深繇愛之太至也惠之綦厚奈節之綦清何
輒直受而不辭謹探懷以爲謝

生日答馮衡州

僕四十四而返舊鄉方當精壯六旬六而逢初度
幸未衰殘知希世之無符覺罷官之有益惟茲首
夏允屬昌辰二儀弘亭育之施萬物樂清和之氣
博觀雜覽略能對聖親賢潛學閉修欲可昂眉肝
目況以龍鳳之人爲祝松喬之算千齡萬載直我
輩之須臾九列三公乃人生之夢劇掀髯命酒搔
首懷人

生日答王趙州

不肖犬馬之年日長計數徒多雲林之樂頗饒匡
時無用所幸仁人在上鄉里俱安每值賤辰輒勤
慈念清俸已空於野苧豐儀復及於山癯感不可
言書曷能盡

生日答周臨邑

僕屏居林藪有年矣雖心力有用不敢素餐而時
事日殊何補澆饋足下循良之績遠軼漢京恬淡
之情僅移州牧邑民願借朝命難稽猶念僕之生
乃遣倅而惠况行將躬謝聊布愚衷

生日答梁函三

日飛月走共趣流光雲卧林遊又逢初度乾坤袖
手能忘先有事之思宇宙搶囊正切尚無爲之念
足下力疲執戟出北門而興歌夢繫倚閭遵南陔
而莫遂猶煩命使特爲稱觴野鶴無當於羽儀已
難酬知己之望仁人爲祝其眉壽或可協神明之
心敢不拜嘉蕭此裁謝

生日答蕭大將軍

某涉干迂腐鄙上荒儉結髮讀書竟莫窺夫聖簡
濯纓入仕曾無益於皇輿性拙而乏駟調若鼠不
容穴力綿而思匡濟如狐欲渡河三十升朝退居
蓋凡七載四旬違署廢棄又將廿年揣已虛庸都
無萎韭入園之望從人騰達頗少枯魚失水之悲

月兔日烏忽當初度雲龍風虎久負明時伏惟君
侯毓乾坤之間氣躬文武之全才昔嬰斗大之孤
城獨禦鴟張之黠虜精忠貫日已甘心於裹革勝
算如陰竟賈勇於搴旗叛賊之銳全消削平之功
始奏生靈有命社稷無虞如虎如貔不待言乃一
時之上將式金式玉最難得有四海之賢名何意
狂夫猥承謬聽定神交於萬里俾景附於千秋值
茲遲暮之辰正屬賤貧之日寵之瑤札燦雕金琢
玉之詞賁以纒儀紛爍日舒霞之采望深而欲其
環召非日能之愛至而祝以鶴齡固所願也夫質
微若柳豈同金石之堅貞材散如樗每比松筠之
悠久祝願出大賢之口感通符上帝之心敬舉霞
觴謹裁竹素書不盡而言不盡默曷能藏天無窮
而地無窮云胡可報伏惟照察倍有瞻馳

生日答魏見玄

伏惟門下道叶輔揀氣稟元精典籍五車隨目所
涉如左史倚相之淵閱文章萬牒信手以揮似司
馬子長之雄偉始筮於陽武民逃魚鱉而爲民繼

移於永城邑拔榛蕪而作邑最聞考課首被徵書
牙繡尊崇絲綸擲重城頭烏鳥依憲府以翺翔櫪
上青驄望天街而躑躅正凝情于丹楓紫極猶注
念乎白石青林值茲遲暮之辰正屬賤貧之日既
以寄錢取酒兼復爲壽陳詞

四終

凡以宮軼似橫如三街談巷後

皆之壯使年端披公之得

所見儀之
立角有初六日
夜

竺而乃高之聘以回無

點一五



